



傳卷第一

元史百十四

南京國子監祭酒侯恪

司業謝德溥補修

后妃一

太祖光獻翼聖皇后名旭真弘吉剌氏特薛禪之女也特薛禪與子按陳從太祖征伐有功賜號國舅封王爵以統其部族有旨生女為后生男尚公主世世不絕世祖至元二年十二月追謚光獻翼聖皇后冊文曰尊祖宗致誠孝寔王政之攸先法天地建鴻名亦毋儀之克稱肆先處於右室唐昭示於後昆體茲

兩廂侯謝修
至公節以大惠欽惟光獻皇后宅心淵靜稟德柔嘉
當聖神創業之初有夙夜求賢之助功施社稷垂慈
訓於景襄慶衍宮闈流徽音於莊聖協贊龍飛之運
永詒燕翼之謀惟周人著稱思齊亦推本興王之迹
在漢世始謚光烈蓋罵申追遠之情是用稽迪舊章
增崇遺美謹遣攝太尉某奉玉冊玉寶加上尊謚曰
光獻翼聖皇后伏惟淑靈降格典禮備膺於億萬年
茂隆丕祚升祔太祖廟其餘后妃有四幹耳朶四十
餘人不記氏族其名悉見于表後皆倣此
太宗昭慈皇后名脫列哥那乃馬真氏生定宗歲辛

丑十一月太宗崩后稱制攝國者五年丙午會諸王
百官議立定宗朝政多出於后至元二年崩追謚昭
慈皇后升祔太宗廟

定宗欽淑皇后名幹兀立海迷失定宗崩后抱子失
列門垂簾聽政者六月至元二年追謚欽淑皇后
憲宗貞節皇后名忽都台弘吉剌氏特薛禪孫忙哥
陳之女也蚤崩后妹也速兒繼爲妃至元二年追謚
貞節皇后升祔憲宗廟

世祖昭睿順聖皇后名察必弘吉剌氏濟寧忠武三
按陳之女也生裕宗中統初立爲皇后至元十年三

兩廂侯謝修
月授冊寶上尊號貞懿昭聖順天睿文光應皇后一
日四怯薛官奏割京城外近地牧馬帝既允方以圖
進。后至帝前將諫先陽責太保劉秉忠曰汝漢人聰
明者言則帝聽汝何爲不諫向初到定都時若以地
牧馬則可今軍餼俱分業已定奪之可乎帝默然命
寢其事。后嘗於太府監支繒帛表裏各一帝謂后曰
此軍國所需非私家物后何可得支后自是率宮人
親執女工拘諸舊弓絃練之緝爲細以爲衣其鞞密
比綾綺宣徽院羊牖皮置不用后取之合縫爲地毯
其勒儉有節而無棄物類如此十三年平宋幼主朝

于上都大宴衆皆歡甚唯后不樂帝曰我今平江南
自此不用兵甲衆人皆喜爾獨不樂何耶后跪奏曰
妾聞自古無千歲之國母使吾子孫及此則幸矣帝
以宋府庫故物各聚置殿庭上召后視之。后徧視卽
去。帝遣宦者追問后欲何所取。后曰宋人貯蓄以遺
其子孫子孫不能守而歸於我。我何忍取一物耶時
宋太后全氏至京不習北方風土后爲奏令回江南
帝不允至三奏。帝乃荅曰爾嬪人無遠慮若使之南
還。或浮言一動卽廢其家。非所以愛之也。苟能愛之
時加存卹使之便安可也。后退益厚待之。胡帽舊無

前簷。帝因射日色炫目。以語后。后卽益前簷。帝大喜。遂命爲式。又製一衣。前有裳無袷。後長倍於前。亦無領袖。綴以兩襜。名曰比甲。以便弓馬。時皆倣之。后性明敏。達於事機。國家初政。左右匡正。當時與有力焉。十四年二月崩。三十一年成宗卽位。五月追謚昭睿順聖皇后。其冊文曰。奉先思孝。臣子之至情。節惠易名。古今之大典。惟殷娥有明德之號。而周任著思齊之稱。爰考舊章。式崇尊謚。恭惟先皇后厚德載物。正位承天。隆內治於公宮。綱大倫於天下。曩事龍潛之邸。及乘虎變之秋。鄂渚班師。洞識事機之會。上都踐

祚居多。輔佐之謀。先物之明。獨斷于衷。進賢之志。允叶于上。左右我聖祖建帝王之極功。撫育我前人嗣社稷之重託。臣下之勤勞。灼見生民之疾苦。周知儷宸極二十年。垂慈範千萬世。惟全美聖而益聖。宜顯冊書而屢書。不勝惓惓懇懇之誠。敬展尊尊親親之義。以揚盛烈。以對耿光。謹遣某官某奉玉冊玉寶。上尊謚曰昭睿順聖皇后。欽惟淑靈在天。明鑒逮下。增輝煒管。茂揚徽懿之音。合饗大宮。益衍壽昌之福。升祔世祖廟。

南必皇后弘吉刺氏納陳孫仙童之女也。至元二十

年納爲皇后繼守正宮時世祖春秋高頗預政相臣常不得見帝輒因后奏事焉有子一人名鐵蔑赤成宗貞慈靜懿皇后名失憐荅里弘吉剌史幹羅陳之女也大德三年十月立爲后生皇子德壽早薨武宗至大三年十月追尊謚貞慈靜懿皇后其冊文曰宗祧定位象天地之有陰陽今古同符通幽明以行典禮哀榮斯備孝敬兼陳恭惟先元妃弘吉剌氏慶毓仙源德昭彤史春宮主饋共瞻采翟之輝椒掖正名莫際飛龍之會惟貞協在中之美而慈推成物之仁靜旣合夫坤元懿益彰於壺則雖小星之逮下豈我無疆

衆耀之敢齊嗣服云初追懷曷已是用究成先志式闡徽稱謹遣某官某上尊謚曰貞慈靜懿皇后升祔於成宗皇帝殿室伏惟淑靈永伸配侑介以景福佑我無疆

上魯罕皇后伯岳吾氏駙馬脫里思之女元貞初立爲皇后大德三年十月授冊寶成宗多疾后居中用事信任相臣哈刺哈孫大德之政人稱平允皆后處決京師翔建萬寧寺中塑祕密佛像其形醜恠后以手帕蒙覆其面尋傳旨毀之省院臺臣奏上尊號帝不允車駕幸上都后方自奏請帝曰我病日久國家

大事多廢不舉尚寧理此等事耶事遂寢大德十年
后嘗謀貶順宗妃荅吉與其子仁宗往懷州明年成
宗崩時武宗在北邊恐其歸必報前怨后乃命取安
西王阿難荅失里來京師謀立之仁宗自懷州入清
宮禁既誅安西王并構后以私通事出居東安州
武宗宣慈惠聖皇后名真哥弘吉刺氏脫憐子逆不
刺之女至大三年四月冊爲皇后其文曰乾爲天坤
爲地四時由是以相成日宗陽月宗陰萬象以之而
並著后職有關於世教先猷具載於邦彝惟慈旨之
親承亦僉言之允若答爾皇后弘吉刺氏睿聰淑哲

端懿誠莊寶婺分輝源天潢之自出纓徽廸慶系統
組以相仍後逸皇慶二年立長秋寺掌皇子宫政秩
三品泰定四年十一月崩上尊謚曰宣慈惠聖皇后
升祔武宗廟

速哥失里皇后按陳哈兒只之女真哥皇后之從妹
也妃二人亦乞烈氏奴兀倫公主之女寔生明宗天
曆二年追謚仁獻章聖皇后唐兀氏生文宗天曆二
年追謚文昭昭聖皇后

仁宗莊懿慈聖皇后名阿納失失里弘吉刺氏生英
宗皇慶二年三月冊爲皇后上冊寶遣宮祭告天地

於南郊及太廟改典內院爲中政院秩正二品英宗卽位上尊號皇太后其冊文曰坤承乾德所以著兩儀之稱母統父尊所以崇一體之號故因親而立愛宜考禮以正名恭惟聖母溫慈惠和淑哲端懿上以奉宗祐之重下以叙倫紀之常恢王化于二南嗣徽音於三母輔佐先考憂勤警戒之慮深擁佑眇躬撫育提携之恩至迨于今日紹我不丕基規摹一出於慈闈付托益彰於祖訓致天下之養以爲樂未足盡於孝心極域中之大以爲尊庶可稱其懿美式遵貴貴之義用罄親親之情謹遣某官某奉冊上尊號曰皇太后伏惟周宗緜緜長信

穆穆備洛書之錫福祭坤極之儀天啓佑後人永錫胤祚明日受百官朝賀于興聖宮至治二年崩上諡莊懿慈聖皇后其冊文曰致孝所以揚親易名所以表行矧爲天下母而養弗逮履天子位而報則豐曷勝孺慕之心必盡欽崇之禮欽惟先皇太后夙明壺則克嗣徽音輔佐先朝有恭儉節用之實誕育眇質有劬勞顧復之恩九族咸育於仁四海仰遵其化昊天不弔景命靡融愴聖善之長違念風猷之未泯是用揄揚丁彫史正宜敷繹于寶慈爰據彛經追嚴徽號謹遣攝太尉某官某奉玉冊玉寶上尊號曰莊懿

兩廂侯謝修
元史卷一百一
慈聖皇后伏惟淑靈如在合饗太宮鑒格孔昭膺茲
錫典陰相丕祚億萬斯年并祔仁宗廟

英宗莊靜懿聖皇后名速哥八剌亦啓烈氏昌國公
主益里海涯女也至治元年冊爲皇后泰定四年六
月崩謚曰莊靜懿聖皇后

泰定帝八不罕皇后弘吉剌氏按陳孫幹留察兒之
女泰定元年冊爲皇后

妃二人二曰必罕一曰魯答里皆弘吉剌氏究王
買住罕之女也文宗天曆初禛安置東安州

明宗貞裕徽聖皇后名邁來邁生順帝而崩文宗立

諡貞裕徽聖皇后

八不沙皇后成宗甥壽寧公主之女也侍明宗潛邸
生寧宗天曆二年立寧徽寺堂明宗皇后宮事以鈔
萬錠幣帛二千疋供后宮費用十一月后請爲明宗
資冥福命帝師率諸僧伸佛事七日于大天源延聖
寺道士建醮于玉虛天寶太乙萬壽四宮及武當龍
虎二山至順元年勅有司供明宗后宮幣帛二百疋
是年四月崩

文宗卜答失里皇后弘吉剌氏父駙馬魯王瑯阿不
刺母魯國公主桑哥吉剌文宗居建業后亦在行天

兩州謝侯修
曆元年文宗卽位立爲皇后三年授冊寶十一月后以銀五萬兩助建大承天護聖寺至順元年以籍沒張珪家田四百頃賜護聖寺爲永業后與宦者拜住謀殺明宗后八不沙三年八月文宗崩于上都后導教未命申帝初志遂立明宗次子懿璘質班是爲寧宗十一月奉玉冊玉寶尊皇后爲皇太后十二月御興聖殿受朝賀寧宗崩大臣請立太子燕帖古思后曰天位至重吾子尚幼明宗長子妥懽帖睦爾在廣西今十三歲矣理當立之於是奉旨迎至京師以明年六月卽位是爲順帝元統元年尊爲太皇太后仍

稱制臨朝至元六年六月詔去尊號安置東安州尋崩寧宗答里也忒迷失皇后弘吉剌氏至順三年十月立爲后至正二十八年崩升祔寧宗廟

順帝答納失里皇后欽察氏太師太平王燕鐵木兒之女至順四年立爲后元統二年授冊寶其冊文曰天之元統二氣配莫厚於坤儀月之道循右行明同貞於乾曜若昔帝王之宅后居多輔相之世勲蓋選德於元宗亦疇庸於先正造周資任妣之化興漢表馬鄧之功咨尔皇后欽察氏雍肅惠慈謙裕靜淑迺祖迺父夙堅翼亮之心于國于家實獲修齊之助朕

績丕圖之初載親承太后之睿謨眷我元臣簡茲碩
媛相嚴禋而率典奉慈極以偷顏用彰禕翟之華式著旂
常之舊令攝太尉某官授以玉冊寶章命爾爲皇后備
成嘉禮宏賁大猷於戲嵩高生賢予篤懷于良佐關
雖正始爾勉嗣於徽音水錫壽康昭示悠久三年后兄
御史大夫唐其勢以謀逆誅弟塔刺海走匿后宫后
以衣蔽之因遷后出宮丞相伯顏鳩后于開平民舍

伯顏忽都皇后弘吉刺氏宣慈惠聖皇后真哥姪毓
德王孛羅帖木兒之女也至元三年三月立爲皇后
其冊文曰帝王之道齊其家而天下平風教所基止

乎位而人倫厚爰擇配以承宗事若稽古以率典當
咨尔弘吉刺氏淑哲溫恭齊莊貞一屬選賢於中壺
躬受命於慈闈勗帥來嬪蹈桀儀之有度動容中禮
謹夙夜以無違茲表式於宮庭宜推崇其位號乃蠲
吉日庸舉彝章遣攝太尉某持節授以玉冊寶章命
爾爲皇后於戲乾施坤承克順成於四序日明月儷
久照臨於萬方朕欲躋世於乂安爾其助予之德化
共仰享嘉之運益延昌熾之期勉爾徽音聿修內治
生皇子真金二歲而天后性節儉不妬忌動以禮法
自持第三皇后奇氏素有寵居興聖西宮帝希幸東

內后左右以爲言后無幾微怨望意從帝時巡上京
次中道帝遣內官傳旨欲臨幸后辭曰暮夜非至尊
往來之時內官往復者二竟拒不納帝益賢之帝嘗
問后中政院所支錢糧皆傳汝旨汝還記之否后對
曰妾當用則支開防出入必已選人司之妾豈能盡
記卽居坤德殿終日端坐未嘗妄踰戶閤至正二十
五年八月崩年四十二奇氏后見其所遺衣服弊壞
大笑曰正宮皇后何至服此等衣耶其樸素可知踰
月皇太子自奠窆歸哭之甚哀

完者忽都皇后奇氏高麗人生皇太子愛猷識理達

臘衣微用后貴二世皆追封王初徽政院使秃
迭兒進爲宮女主供茗飲以事順帝后性穎慧日見
寵幸後答納失里皇后方驕妬數箠辱之答納失里
既遇害帝欲立之丞相伯顏爭不可伯顏罷相沙刺
班遂請立爲第二皇后居興聖宮改徽政院爲資正
院后無事則取女孝經史書訪問歷代皇后之有賢
行者爲法四方貢獻或有珍味輒先遣使薦太廟然
後敢食至正十八年京城大飢后命官爲粥食之又
出金銀粟帛命資正院使朴不花於京都十一門置
家葬死者遺骼十餘萬復命僧建水陸大會度之時

帝頗怠於政治后與皇太子愛猷識理達臘遽謀內
禪遣朴不花諭意丞相太平太平不荅復召太平至
宮舉酒賜之自申前請太平依違而已由是后與太
子銜之而帝亦知后意怒而疏之兩月不見朴不花
因后而寵幸既被劾黜后諷御史大夫佛家奴爲之
辯明佛家奴乃謀再劾朴不花后知之反嗾御史劾
佛家奴謫居潮河初竒氏之族在高麗者怙勢驕橫
高麗王怒盡殺之二十三年后謂皇太子曰汝何不
爲我復讎耶遂立高麗王族人留京師者爲王以竒
族之子三寶奴爲元子遣同知樞密院事崔帖木兒

爲之相用兵一萬并招倭兵共從之過鴨綠水
兵四起乃大敗餘十七騎而還后大慚二十四年七
月孛羅帖木兒稱兵犯闕皇太子出奔莫寧下令討
之帖木兒字羅帖木兒怒嗾監察御史武起宗言
外撓國政奏帝宜遷后出于外帝不荅二十五年
三月遂矯制幽于諸色總管府令其黨姚伯顏不花
守之四月庚寅孛羅帖木兒遁后還宮取印章僞爲
后書召太子后仍回幽所後又數納美女於孛羅帖
木兒至百日始還宮及孛羅帖木兒死召皇太子還
京師后傳旨令廓擴帖木兒以兵擁皇太子入城欲

元史傳卷一
三
脅帝禪位廓擴帖木兒知其意至京城三十里外卽遣軍還營皇太子復銜之事見擴廓帖木兒傳會伯顏忽都皇后崩十二月中書省臣奏言后宜正位中宮帝不荅又奏改資正院爲崇政院而中正院亦兼主之帝乃授之冊寶其冊文曰坤以承乾元人道莫先於夫婦后以母天下王化實始於家邦典禮之常古今攸重咨爾肅良合氏篤生名族來事朕躬儆戒相成每勤於夙夜恭儉率下多歷於歲年旣發祥元于於爾爾復流慶孫枝於甲視春若中宮之位允宜淑聖之賢宗戚大臣况僉言而敷請掖庭諸御咸任

聖以推尊乃屢遜辭允可嘉尙今遣攝太尉某持節授以玉冊玉寶命爾爲皇后於戲慎修壺政益勉爾輔佐之心昭嗣徽音同保我延洪之福其欽寵命以衍壽祺二十八年從帝北奔

順治戊戌年十月初八日

江寧府儒學教授朱謨校

列傳卷第二

元史一百一十五

南京國子

監祭

酒

侯恪

司業

謝德溥

補修

睿宗

睿宗景襄皇帝諱拖雷太祖第四子太宗母弟也方
太祖崩時太宗留霍博之地國事無所屬拖雷實身
任之聞燕京盜賊白晝剽掠富民財物吏不能禁遂
遣塔察吾圖撒合里往窮治之殺十有六人盜始屏
息己丑夏太宗還京八月卽位明年庚寅秋太宗伐
金命拖雷帥師以從破天城堡拔蒲城縣聞金平章

合達叅政蒲阿守西邊遂渡河攻鳳翔會前兵戰不利從太宗授之合達乃退辛卯春破洛陽河中諸城太宗還官山大會諸侯王謂曰人言耗國家者實由寇敵今金未殄實我敵也諸君寧無計乎拖雷進曰臣有愚計非衆可聞太宗屏左右亟臨問之其言秘人莫知也鳳翔既下有降人李昌國者言金主遷汴所侍者黃河潼關之儉爾若出寶鷄入漢中不一月可達唐鄧金人聞之寧不謂我師從天而下乎拖雷然之言於太宗太宗大喜諸諸王大臣曰昔太祖嘗有志此舉今陛下能言之真賽因也賽因猶華言大

好云遂大發兵太宗以中軍自碗子城南下渡河出洛陽進斡陳那顏以左軍由濟南進而拖雷總右軍自鳳翔渡渭水過寶雞入小潼關涉宋人之境沿漢水而下期以明年春俱會于汴遣棚不罕詣宋假道具約合兵宋殺使者拖雷大怒曰彼昔遣苟夢玉來通好遽自食言背盟乎乃分兵攻宋諸城堡長驅入漢中進襲四川陷閬州過南部而還遂由金取房前鋒三千人破金兵十餘萬于武當山趨均州乘騎浮渡漢水遣夔曲涅率千騎馳白太宗太宗方詣漢水將分兵應之會夔曲涅至卽遣慰諭拖雷亟合兵焉

拖雷既渡漢金大將合達設伏二十餘萬于鄧州之西據隘待之時拖雷兵不滿四萬及得謀報乃悉留輜重輕騎以進十二月丙子及金人戰于禹山佯北以誘之金人不動拖雷舉火夜行金合達聞其且至退保鄧州攻之三日不下遂將而北以三千騎命札刺等率之爲殿明旦大霧迷道爲金人所襲殺傷相當拖雷以札刺失律罷之而以野里知給歹代焉未幾敗金軍壬辰春合達等知拖雷已北合步騎十五禹躡其後拖雷按兵遣其將忽都忽等誘之日且暮命軍中曰毋令彼得休息日夜鼓譟以擾之太宗時

亦渡河遣親王口溫不花等將萬餘騎來會天大雨雪金人僵凍無人色幾不能軍拖雷卽欲擊之諸將請俟太宗至破之未晚拖雷曰機不可失彼脫入城未易圖也况大敵在前敢以遺君父乎遂奮擊于三峰山大破之追奔數十里流血被道資仗委積金之精銳盡於此矣餘衆迸走睢州伏兵起又敗之合達走鈞州僅遺數百騎蒲阿走汴至望京橋復禽獲之太宗尋至按行戰地顧謂拖雷曰微汝不能致此捷也諸侯王進曰誠如聖諭然拖雷之功著在社稷蓋又指其定冊云爾拖雷從容對曰臣何功之有此天

之威皇帝之福也聞者服其不伐從太宗攻鈞州拔
之獲合達攻許州又拔之遂從太宗收定河南諸郡
四月由半渡入真定過中都出北口住夏于官山五
月太宗不豫六月疾甚拖雷禱于天地請以身代之
又取巫覡祓除釁滌之水飲焉居數日太宗疾愈拖
雷從之北還至阿刺合的思之地遇疾而薨壽四十
有闕妃怯烈氏子十一人長憲宗次四則世祖也憲
宗立追謚曰英武皇帝廟號睿宗二年合祭昊天后
土以太祖睿宗配享世祖至元二年改謚景襄皇

裕宗

裕宗文惠閔孝皇帝諱真金世祖嫡子也母昭慶順
聖皇后弘吉烈氏少從姚樞竇默受孝經及終卷世
祖大悅設食饗樞等中統三年封燕王守中書令丞
相史天倪入旅事王曰我幼未嘗習祖宗典則閑於
政體一旦當大任惟汝耆德賴焉復諭贊善王恂曰
省臣所啟等國事也爾宜入與聞之四年兼判樞密
院事至元初省臣奏請王署勅每月必再至中書於
是王將入中書乳母進新衣笑却之曰吾何事矣觀
也嘗從幸宜興世祖違豫憂形于色夕不能寐聞母
皇后暴得風疾卽悲泣衣不及帶而行七年秋受詔

巡撫稱海至冬還京間謂諸王札刺忽及從官伯顏等曰吾屬適有茲暇宜各悉乃心慎言所守俾吾聞之於是撒里蠻曰太祖有訓欲治身先治心欲責人先責已伯顏曰皇上有訓欺罔盜竊人之至惡一為欺罔則後雖出善言人終弗信一為盜竊則事雖未覺心常惴惴若捕者將至札刺忽曰我祖有訓長者稍深者底蓋言貴有終始長必極其抄深必究其底不可中輟也王曰皇上有訓毋持大心大心一持事即墮敗吾觀孔子之語即與聖訓合也至王恂陳尤多事見恂傳十年二月立為皇太子仍兼中書

判樞密院事受玉冊皇帝若曰咨爾皇太子真金仰惟太祖皇帝遺訓嫡子中有克嗣服繼統者豫選定之是用立太宗英文皇帝以紹隆丕構自時厥後為不顯立冢嫡遂啓爭端朕上遵祖宗宏規下協昆弟僉同之議乃從燕邸即立爾為皇太子積有口矣比者儒臣敷奏國家定立儲嗣宜有冊命此典禮也今遣攝太尉左丞相伯顏持節授爾玉冊金寶於戲聖武燕謀爾其承奉昆弟宗親爾其和協使仁孝顯于躬行抑可謂不負所托矣尚其戒哉勿替朕命九月丙戌詔立官師府設官屬三十有入員起處士楊恭

懿于京兆太子嘗有疾世祖臨幸親和藥以賜之遣侍臣李眾馳祀嶽瀆名山川人子戒其所至郡邑毋煩吏迎送重擾民也詔以待衛親軍萬人益隸東宮太子命王慶端董士亨選其驍勇者教以兵法時閱試焉太子服綾袷為瀋所漬命侍臣重加染治侍臣請織綾更製之太子曰吾欲織百端非難也顧是物未敝豈宜棄之東宮香殿成工請鑿石為池如曲水流觸故事太子曰古有肉林酒池爾欲吾效之耶不許每與諸王近臣習射之暇輒講論經典若資治通鑑貞觀政要王恂許衡所述遼金帝王行事要畧下

至武經等書從容片言之間苟有允愜未嘗不為之酒然改容時侍經幄者如王恂白棟皆朝夕不出東宮而待制李謙太常宋衛尤加咨訪蓋無間也十八年正月昭睿順聖皇后崩太子自獵所奔赴勺飲不入口者終日設廬帳居之命宋衛擇可備顧問者衛以郭祐何瑋徐琰馬紹楊居寬何榮祖楊仁風等為言太子曰是數人者盡為我致之宜自近者始遂召瑋于易州琰于東平贊善王恂卒太子聞之嗟悼賻銀二千五百緡一日顧謂左右曰王贊善當言必言未嘗顧惜隨事規臣良多裨補今鮮有其匹也時阿

合馬擅國重柄太子惡其姦惡未嘗少假顏色盜知阿合馬所畏憚者獨太子爾因為偽太子夜入京城召而殺之及和禮霍孫入相太子曰阿合馬死於盜手汝任中書誠有便國利民者毋憚更張苟或沮撓我當力持之中書啓以何瑋叅議省事徐琰為左侍郎中瑋琰入見太子諭之曰汝等學孔子之道今始得行宜盡平生所學力行之辟楊仁風于潞州馬紹于東平覆辟楊恭懿置省中議事以衛輝總管董文用練達官政與恭懿同置省中按察副使王暉進承華事畧一曰廣孝二曰立人三曰端本四曰進學五

曰擇術六曰謹習七曰聽政八曰達總九曰撫軍十曰明分十一曰崇儒十二曰親賢十三曰去邪十四曰納諫十五曰幾諫十六曰從諫十七曰推恩十八曰尚儉十九曰戒逸二十曰審官太子聞漢成帝不絕馳道唐肅宗改絳紗袍為朱明服大喜曰使吾行之亦當若此及說那時止齊太子食邪蒿顧宮臣曰菜名邪蒿未必果邪也雖食之豈遽使人不正邪張九思對曰古人設戒義固當爾詔割江西龍興路為太子分地太子謂左右曰安得治民如邢州張耕者乎誠使之往治俾江南諸郡取法民必安集於是召

宋衛大選署守長江西行省以歲課羨餘鈔四十七萬緡獻太子怒曰朝廷令汝等安治百姓百姓安錢糧何患不足百姓不安錢糧雖多安能自奉平盡卻之阿里以民官兼課司請歲附輸羊三百太子以其越例罷之叅政劉思敬遣其弟思恭以新民百六十戶來獻太子問民所從來對曰思敬征重慶時所俘獲者太子蹙然曰歸語汝兄此屬宜隨所在放遣爲民毋重失人心烏蒙宣撫司進馬踰歲獻之額卽諭之曰去歲嘗俾勿多進馬恐道路所經數勞吾民也日今其勿復然二十年春俾劉因于保定因以疾辭

固辟之乃至拜左贊善大夫以克部郎中夾谷之奇爲左贊善大夫是時已立國子學李棟宋衛李謙皆以東宮僚友繼典教事至是命因專領之而以衛等仍備咨訪嘗曰吾聞金章宗時有司論太學生廩費大多章宗謂養出一范文正公所償顧豈少哉其言甚善會因復以疾乞去二十二年以長史耶律有尚爲國子司業中庶子伯少以其子阿入赤入見諭令入學伯必卽令其子入蒙古學逾年又見太子問讀何書其子以蒙古書對太子曰我命汝學漢人文學耳其亟入胄監遣使辟宋工部侍郎倪堅于開元旣

至訪以古今成敗得失堅對言三代得天下以仁其失也以不仁漢唐之亾也以外戚閹堅宋之亾也以姦黨權臣太子嘉納賜酒日晏乃罷諭德李謙夾谷之奇嘗進言曰殿下睿性夙成閱理久熟方遵聖訓參決庶務如視膳問安之禮固無待於贊諭至於軍民之利病政令之得失事關朝廷責在臺院有非宮臣所宜言者獨有澄原固本保守成業殿下所當留心臣等不容緘口者也敬陳十事曰正心曰睦親曰崇儉曰親賢曰幾諫曰戢兵曰尚文曰定律曰正名曰革敝其論正心有云天子之心天下之本也太

心正則天心有所屬人心有所繫矣唐太宗嘗言人主一心攻之者衆或以勇力或以辨口或以諂諛或以姦詐或以嗜欲輻湊攻之各求自售人主少懈而受其一則其害有不可勝言者殿下至尊之儲貳人求自售者亦不爲少須常喚醒此心不使爲物欲所撓則宗社生靈之福固本澄原莫此爲切論睦親以宗親爲王室之藩屏人主之所自衛者也夫分既定尊卑懸殊必恩意俯逮然後得盡其歡心宗親之歡心得則遠近之歡心得矣其論正名革敝尤切中時政太子在中書日久明於聽斷四方州郡科徵輓漕

內相侯謝修
造作和市有係民休戚者聞之即日奏罷右丞盧世榮以言利進太子意深非之嘗曰財非天降安得歲取贏乎恐生民膏血竭於此也豈惟害民實國之大蠹其後世榮果坐罪桑哥素主世榮聞太子有言訖箱口不敢捄至元以來天下臻於太平人材輩出太子優禮遇之在師友之列者非朝廷名德則布衣節行之士德意未嘗少衰宋衛目疾賜鈔千五百緡玉磐告老而歸官其壻于東平以終養孔洙自江南入覲則責張九思學聖人之道不知有聖人之後其大雅不羣本於天性中外歸心驚於是世祖春秋高工

南行臺監察御史言事者請禪位於太子太子聞之懼臺臣寢其奏不敢追聞而小人以臺臣隱匿乘間發之世祖怒甚太子愈益懼未幾遂薨壽四十有三成宗即位追謚曰文惠明孝皇帝廟號裕宗祔于太廟

顯宗

顯宗光聖仁孝皇帝諱甘麻刺裕宗長子也母曰徽仁裕聖皇后弘吉刺氏甘麻刺少育於祖母昭睿順聖皇后日侍世祖未嘗離左右畏慎不妄言言必無隱至元中奉旨鎮北邊叛王岳木忽兒等聞其至望

風請降旣而都阿察入兒諸王遣使求和邊竟以寧嘗出征駐金山會大雪擁火坐帳內歡甚顧謂左右曰今日風雪如是吾與卿處猶有寒色彼從士亦人耳腰弓矢荷刃周廬之外甚苦可知遂命饗人大爲肉糜親嘗而徧賜之撫循部曲之暇則命也滅堅以國語講通鑑戒其近侍太不花曰朝廷以藩屏寄我事有不逮正在汝輩輔助其或依勢作威不用我命輕者論遣大者奏聞耳宜各慎之使百姓安業主上無北顧之憂則予與卿等亦樂處於此乃所以報國家也二十六年世祖以其邊日久特命獵于柳林

之地率衆至朔州恐廩膳不均令左右司之分給從士仍飭其衆曰汝等飲食旣足若復侵漁百姓是汝自取罪譴無悔衆皆如約民賴以安北還覲世祖于上京世祖勞之曰汝在柳林民不知擾朕實嘉焉明年冬封梁王授以金印出鎮雲南過中山又明年春過懷孟從卒馬馳之屬不下千百計所至未嘗橫取於民二十九年改封晉王移鎮北邊統領大祖四大幹耳朶及軍馬達達國土更鑄晉王金印授之中書省臣言于世祖曰諸王皆置傅今晉王守太祖肇基之地視諸王宜有加請置內史世祖從之遂以北安

王傅禿歸梁王傅木八刺沙雲南行省平章賽陽並
爲內史明年置內史府又明年世祖崩晉王聞訃奔
赴上都諸王大臣咸在晉王曰昔皇祖命我鎮撫北
方以衛社稷久歷邊事願服厥職母弟鐵木耳仁孝
宜嗣大統於是成宗卽帝位而晉王復歸藩邸元貞
元年塔塔兒部年穀不熟檄宣徽院賑之又荅荅刺
民饑請朝廷賑之詔賜王鈔千萬貫及銀帛有差皇
太后復以雲南所貢金器遣朶年來賜是歲冬奉詔
以知樞密院事札散同知徽政院事阿里罕爲內史
大德二年詔給秣米五百石五年成宗以邊士貧乏
分給鈔一十萬貫六年正月乙巳王薨年四十五天
性仁厚御下有恩元貞初藩邸屬官審伯年老請以
其子代之內史言於王王曰惟天子所命其自守如
此故尤爲朝廷所重然崇尚浮屠命僧作佛事歲耗
財不可勝計子三人曰也孫帖木兒曰松山曰迭里
哥兒不花王薨後十年仁宗卽位謚王獻武又十一
年英宗遇弒也孫帖木兒以嗣晉王卽皇帝位追尊
曰光聖仁孝皇帝廟號顯宗祔享太室又六年文宗
卽位乃毀其廟室

順宗

順宗昭聖衍孝皇帝諱荅刺麻八刺裕宗第二子也
母曰徽仁裕聖皇后弘吉刺氏至元初裕宗爲燕王
荅刺麻八刺生于燕邸明年詔裕宗居潮河八月召
至京師凡乘輿巡幸及歲時朝賀未嘗不侍裕宗以
行稍長世祖賜女侍郭氏其後乃納弘吉刺氏爲妃
二十二年裕宗薨荅刺麻八刺以皇孫鍾愛兩宮優
其出閣之禮二十八年始詔出鎮懷州以侍衛都指
揮使梭都尚書王倚從行至趙州從卒有伐民桑棗
者民遮訴于道荅刺麻八刺怒杖從卒以懲衆遣王
倚入奏世祖大悅未至以疾召還明年春世祖北幸
畱治疾京師越兩月而薨年二十有九子三人長曰
阿水哥封魏王郭出也妃所生者曰海山是爲武宗
曰愛育黎穉力八達是爲仁宗大德十一年秋武宗
卽位追謚曰昭聖衍孝皇帝廟號順宗祔享太廟

元史卷一百十六
三

傳卷第三

元史一百十六

南京國子監祭酒侯恪

司業謝德溥補修

后妃二

睿宗顯懿莊聖皇后名峻魯帖尼快烈氏生子憲宗世祖相繼為帝至元二年追上尊謚莊聖皇后升祔睿宗廟至大二年十二月加謚顯懿莊聖皇后三年十月又上玉冊其文曰祖功宗德稱誅於天內則闡儀受成於廟行之大者名必顯恩之隆者報則豐上以增佐定之光下以伸道追之孝欽惟莊聖皇后英

崇禎三年刊
元史專卷三
一

明溥博聖善柔嘉尊儷景襄陰教純被逮事光獻婦
職勤修勲聿著於承天祥兩占於夢日跡聖緒洪源
之有漸知深仁厚澤之無垠玄符肇自塗山顧前徽
之未稱蒼蘓興於文母豈後嗣之能忘是用叅攷彝
經不揚景鑠敷繹寶慈之誼形容青史之規謹遣攝
太尉某奉玉冊玉寶加上尊謚曰顯懿莊聖皇后伏
惟睿靈昭垂鑒格禮嚴闕宮樂歌夷則億萬斯年承
休無

裕宗徽仁裕聖皇后伯藍也怯赤一名闊闊直弘吉
刺氏生順宗成宗先是世祖出田獵道渴至一帳房

見一女子緝駝茸世祖從覓馬湏女子曰馬湏有之
但我父母諸兄皆不在我女子難以與汝世祖欲去
之女子又曰我獨居此汝自來自去於理不宜我父
母卽歸姑待之須臾果歸出馬湏飲世祖世祖旣去
嘆息曰得此等女子爲人家婦豈不美耶後與諸臣
謀擇太子妃世祖俱不允有一老臣嘗知向者之言
知其未許嫁言于世祖世祖大喜納爲太子妃后性
孝謹善事中宮世祖每稱之爲賢德媳婦侍昭睿順
聖皇后不離左右至溷厠所用紙亦以面擦令柔軟
以進一日裕宗有病世祖往視見狀上設織金臥褥

世祖愠而語之曰我嘗以汝爲賢何乃若此耶后跪
荅曰常時不曾敢用今爲太子病恐有濕氣因用之
印時徹去世祖崩成宗至上都諸王畢會先是御史
中丞崔彧得玉璽于本華黎國王曾孫世德家其文
曰受命于天既壽永昌上之于后至是后手授成宗
卽皇帝位尊后爲皇太后冊文曰自家而國治道必
有所先立愛惟親君德莫先於孝况恩深於鞠我而
禮重於正名歷代以來令儀可考人乎之職所在天
下之母宜尊恭惟聖母聖善本乎天資靜專法乎地
道上以奉宗祏之重下以叙倫紀之常助我前人守卷

耳憂勤之志保予冲子成思齊雍肅之風肆神器之
有歸知孫謀之素定畀付雖由於曆數規摹一出於
庭闈是用率籲衆心章明鉅度不勝拳拳大願謹奉
冊寶上尊稱曰皇太后伏惟長信穆穆周宗綿綿備
洛書之錫福榮慈極之儀天瑤圖寶運於萬斯年命
設官屬置徽政院後院官有受獻浙西田七百頃籍
於位下太后曰我寡居嬪人衣食自有餘况江南率
土皆國家所有我曷敢私之卽命中書省盡易院官
之受獻者后之弟欲因后求官后語之曰若欲求官
耶汝自爲之勿以累我也其後弟果被黜人皆服后

之先見大德四年二月崩祔葬先陵謚曰裕聖皇后
升祔裕宗廟至大三年十月又追尊謚曰徽仁裕聖
皇后

顯宗宣懿淑聖皇后名普顏怯里迷失弘吉刺氏顯
宗居晉邸納爲元妃生恭定帝恭定元年追宗宣懿
淑聖皇后其冊文曰祇纘皇圖方弘仁孝之化追崇
聖母永懷鞠育之恩匪建鴻名疇彰厚德欽惟皇妣
晉王妃弘吉刺氏淑侷周姒賢邁虞嬪儷我先王恪
守肇基之地昭其懿範益恢正始之風順坤道以承
乾炯月輝以邇日陰功德積衍聖緒於無疆神器攸

歸知慶源之有自仰徽音之如在慨至養之莫加聿
選休辰爰修縟典謹遣攝太尉某奉玉冊玉寶上尊
謚曰宣懿淑聖皇后伏惟淑靈在上式垂鑒臨合享
太宮永錫繁祉升祔皇考顯宗廟天曆初復祧顯宗
廟祀

順宗昭獻元聖皇后名答已弘吉刺氏按陳孫渾都
帖木兒之女裕宗居燕邸及潮河順宗俱在侍稍長
世祖賜女侍郭氏後乃納后爲妃生武宗及仁宗大
德九年成宗不豫卜魯罕皇后秉政遣仁宗母子出
居懷州十年十二月后至懷州十一年正月成宗崩

時武宗總兵北邊左丞相答剌罕哈刺哈孫陰遣使報仁宗與后奔還京師后與仁宗入內哭復出居舊邸朝夕入奠卽遣使迎武宗還以五月卽位先是太后以兩太子星命付陰陽家推筭問所宜立對曰重光大荒落有災旃蒙作噩長久重光爲武宗生年旃蒙爲仁宗生年太后頗惑其言遣近臣朶耳諭旨武宗曰汝兄弟二人皆我所出豈有親疎陰陽家所言運祚修短不容不思也武宗聞之默然進康里脫脫而言曰我捍北邊十年又胤次居長太后以星命爲言茫昧難信使我設施合於天心民望雖一日之短

亦足垂名萬世何可以陰陽家言而乖祖宗之託脫脫以聞太后愕然曰修短之說雖出術家吾爲天子遠慮所以深愛太子也太子旣如是言今當速來耳詳見康里脫脫傳中五月武宗旣立卽日尊太后爲皇太后立仁宗爲皇太子三宮協和十一月帝朝太后于隆福宮上皇太后玉冊玉寶至大元年三月帝爲太后建興聖宮給鈔五萬定絲二萬斤二年正月太后幸五臺山作佛事詔高麗王璋從之四月立興聖宮江淮財賦總管府以司太后錢糧三年二月以上皇太后尊號告祀南郊四月以興聖宮鷹坊等

戶四千分處遼陽建萬戶府統之十月戊申帝率皇太子諸王群臣朝興聖宮上皇太后尊號冊寶曰儀天興聖慈仁昭懿壽元皇太后庚戌后恭謝太廟以皇太后受尊號詔赦天下四年仁宗卽位延祐二年三月帝率諸王百官奉玉冊玉寶加上皇太后尊號曰儀天興聖慈仁昭懿壽元全德恭寧福慶皇太后延祐七年英宗卽位十二月上尊號太皇太后冊文云王政之先無以加孝人倫之本莫大尊親肆予臨御之初首舉推崇之典恭惟太皇太后陛下仁施溥博明燭幽微爰自居淵潛之宮已有母天下之望方

武宗之北狩適成廟之賓天旋克振於乾綱諒再於宗祏雖有在躬之歷數寔司創業之艱難儀式於慈闈動協謀於先帝莫究補天之妙允如扶日之升位履至尊兩翼成於聖子嗣登大寶復擁佑於躬矧德邁塗山功高文母是宜加於四字式益衍於徽稱謹奉正冊玉寶加上尊號曰儀天興聖慈仁昭懿壽元全德恭寧福慶徽文崇佑太皇太后於戲茲雖涉於強名庶庸申於善頌九州四海養未足於孝心萬歲千秋願永膺於壽祉丙辰太后御大明殿受朝賀戊辰告太廟太后見明宗少時有英氣而英宗

元史卷三十一
稍柔懦諸群小以立明宗必不利於已遂擁立英宗
及既卽位太后來賀英宗卽毅然見於色后退而悔
曰我不擬養此兒耶遂飲恨成疾至治三年二月崩
升祔順宗廟配食后性聰慧歷佐三朝教宮中侍女
皆執治女功親操井臼然不事檢飭自正位東朝淫
恣益甚內則黑騾母亦烈失八用事外則幸臣失烈
門紐隣及時宰迭木帖兒相率爲奸以至箠辱平章
張珪等濁亂朝政無所不至及英宗立群倖伏誅而
後勢燄頓息焉

列傳卷第三

列傳卷四

元史一百一十七

南京國子

監

祭

酒黃儒炳

勅

司

業葉

燦

補刊

別里古台

宗王別里古台者烈祖之第五子太祖之季弟也天
性純厚明敏多智畧不喜華飾軀幹魁偉勇力絕人
幼從太祖平諸部落掌從馬國法常以腹心遇敗則
牽從馬其子孫最多居處近太祖行在所南接按只
台營地嘗從太祖宴諸部族或潛圖害別里古台以
刀斫其臂傷甚帝大怒欲索而誅之別里古台曰今

將舉大事於天下其可以臣故而生釁隙哉且臣雖傷甚幸不至死請勿治帝尤賢之當創業之初征取諸國王未嘗不在軍中摧鋒陷陣不避艱險帝嘗曰有別里古台之力哈撒兒之射此朕之所以取天下也其見稱如此嘗立爲國相又長扎魯火赤別授之印賜以蒙古百姓三千戶及廣寧路恩州二城戶一萬一千六百三以爲分地又以幹難怯魯之地建營以居江南平加賜信州路及鈔山州二城戶一萬八千王薨子曰罕秃忽曰也速不花曰口溫不花罕秃忽性剛猛知兵從憲宗征伐多立戰功及攻釣魚山

而逃遁由河南招來流亡百餘人悉以入籍罕秃忽子曰霍歷極以疾廢不能軍世祖俾居于恩以統其衆人至大三年霍歷極薨子塔出嗣塔出性溫厚謙恭好學通經史能撫恤其民云也速不花子曰爪都中統三年始以推戴功封廣寧王至元十三年賜銀印口溫不花領兵河南屢建大功子曰滅里吉台甕吉刺台

木赤

木赤者太祖長子也國初以親王分封西北其地極遠去京師數萬里驛騎急行二百餘日方達京師以

故其地郡邑風俗皆莫得而詳焉木赤薨子拔都嗣
拔都薨弟脫脫答嗣撒里答薨弟忙哥帖木兒嗣忙
哥帖木兒薨弟脫脫忙哥嗣脫脫忙哥薨弟脫脫嗣
脫脫薨弟伯忽嗣伯忽薨弟月卽別嗣至元二年月
卽別遣使來求分地歲賜以賑給軍站京師元無所
領府治三年中書請置總管府給正三品印至大元
年月卽別薨子札尼別嗣其位下舊賜平陽晉州永
州分地歲賦中統鈔二千四百定自至元五年己卯
歲始給之

秃刺

秃刺太祖次子察合台四世孫也少以勇力聞大德
十一年春成宗崩左丞相阿忽台等潛謀立安西王
阿難荅而推皇后伯岳吾氏稱制中外洵洵仁宗歸
自懷孟引秃刺入內縛阿忽台等以出誅之大事遂
定武宗卽位第功封越王錫金印以紹興路爲其分
地秃刺居常快快有怨望意至大元年秋武宗幸涼
亭將御舟秃刺前止之帝曰爾何如朕欲登舟秃刺
曰人有常言一箭中麋毋曰自能百兔未得未可遽
止此蓋國俗儕輩相靳之語而秃刺言之武宗由是
銜焉旣而大宴萬歲山秃刺醉起解其腰帶擲諸地

兩廂侯謝修
嘆目謂帝曰爾與我者止此爾帝益疑其有異志二
年春命楚王牙忽都丞相脫脫平章赤因鐵木兒鞠
之辭服遂伏誅子西安王阿剌忒納矢里天曆初以
推戴功進封豫王

牙忽都

牙忽都祖父撥綽睿宗庶子也撥綽之母曰馬一實
乃馬真氏撥綽驍勇善騎射憲宗命大將軍北征欽
察有功賜號撥都歲丁巳分土諸侯王賜蠡州三千
三百四十七戶爲其食邑撥綽娶察渾滅兒乞氏生
薛必烈傑兒薛必烈傑兒娶弘吉刺氏生牙忽都牙

忽都年十三世祖命襲其祖父統軍至元十二年從
北安王北征十三年矢列吉叛遣人誘脅之牙忽都
不從事王益忠謹八魯渾拔都兒粘闐與海都通相
率引去王遣牙忽都將兵追之擒八魯渾等以獻未
幾失列吉約木忽兒脫帖木兒等反以兵攻王脫帖
木兒生致牙忽都使失列吉拘繫之牙忽都與王親
臣那台等謀逃歸事覺那台等被殺復繫牙忽都困
辱備至十四年兀魯兀台伯顏師討叛失吉列約
木忽兒迎戰牙忽都潛結赤斤帖木兒秃秃哈亂其
陣失列吉軍亂因得脫走見帝鬚髮盡白帝閱之賞

賚甚厚至元十八年如封來陽州五千三百四十七戶二十一年命與禿禿哈同討海都牙忽都先進還得諜人知其虛實直前衝敵陣破其精兵海都敗走甲引矢其後北安王駐帖木兒河乃顏也不堅有異國也不堅引兵趨怯綠憐河大帳王遣闊闊出禿禿哈率衆追之那懷之民擾攘不知所從牙忽都將三百騎進至阿赤怯地會王帳下遜篤思部兵逃去牙忽都諭之使還時怯必禿忽兒霍台誘蒙古軍二萬從乃顏牙忽都知之夜襲其河上軍突入帳中遇忽

都滅兒堅幾獲之間道逸去二十七年海都入寇時朶兒朶哈方居守大帳詔遣牙忽都同力備禦軍未戰而潰牙忽都妻帑輜重駐不思哈刺嶺上悉爲藥木忽兒明理帖木兒所掠牙忽都與其子脫列帖木兒相失獨與十三騎奔還世祖撫慰嘉歎賜爵鎮遠王塗金銀印以弘吉刺氏女賜之資裝特厚復命納里忽徹徹不花往錫命其部屬同時被剽掠者以故相桑哥家財分賜之仍各賜白金五十兩珠子一酉卮鈔幣稱是又命牙忽都居北安王第二帳王薨帝命掌大帳固辭成宗立命牙忽都常侍左右武宗撫

兵漠北請以子脫列帖木兒從大德五年海都篤哇合軍入寇脫列帖木兒將兵千人擁護先後力戰功多在軍十年成宗崩安西王阿難荅與明理帖木兒窺望神器牙忽都曰世祖皇帝之嫡孫在神器所當屬安西藩王也入繼非制武宗卽位以其父子勞効忠勤益厚遇之進封楚王賜金印置王傳以駙馬都尉都刺哈之女弟弘吉烈氏爲楚王妃又以叛王察八兒親屬賜之脫列帖木兒襲封鎮遠王至大三年察八兒來歸宗親皆會牙忽都進曰太祖皇帝削平四方惟南土未定列聖圖在末運統一世祖皇帝混

一四海顧惟宗室諸王弗克同堂而燕今陛下洪福齊天拔都罕之裔首已附順叛王察八兒舉族來歸人民境土悉爲一家地大物衆有可恃者焉有不可恃者焉昔我太祖有訓世祖誦之臣與有聞治亂國者宜以法齊之所以辨上下定民志今請有以整飭之則人將有所勸懲惟陛下鑒之帝嘉納其言牙忽都薨仁宗命脫列帖木兒嗣楚王延祐中明宗西出脫列帖木兒坐累徙西番没入其家資之半明宗卽位制曰脫列帖木兒何罪其轉徙籍没豈不以我故耶其復故號人民資帑悉歸之脫列帖木兒薨子八

都兒立八都兒薨有子三人曰燕帖木兒曰速哥帖木兒曰朶羅不花燕帖木兒嗣時年十有二妃弘吉刺氏哈只兒駙馬之女孫速哥失里皇后之從妹也

寬徹普化

寬徹普化世祖之孫鎮南王脫歡子也泰定三年封威順王鎮武昌賜金印撥付怯薛丹五百名又自募至一千名設王傅官屬湖廣行省供億錢糧衣裘歲支米三萬石錢三萬二千錠又日給王子諸妃飲饍文宗天曆初賜寬徹普化金銀各五十兩幣三十匹仍鎮湖廣而寬徹普化縱恣其等官侵奪民利民順

患苦之至元五年太師伯顏矯制召赴京貶之及脫脫為相始明其無辜命復還鎮至正二年湖北廉訪司糾言寬徹普化恃以宗室恣行不法不報十一年徐壽輝為亂起斬黃寬徹普化與其子別帖木兒答帖木兒引兵至金剛臺壽輝部將倪文俊敗之執別帖木兒十二年壽輝偽將鄒普勝陷武昌寬徹普化與湖廣行省平章和尚棄城走詔追奪寬徹普化印而誅和尚十三年湖廣行省叅知政事阿魯輝克復武昌及漢陽寬徹普化復率領王子并本部怯薛丹屢討賊立功十四年詔寬徹普化復鎮武昌還其印

十六年命寬徹普化與宣讓王帖木兒不花以兵鎮
遏懷慶各賜黃金一錠白金五錠幣帛九匹鈔二十
錠未幾復還武昌命其子報恩奴接待奴佛家奴以
大船四十餘隻水陸並進至沔陽攻徐壽輝僞將倪
文俊且載妃妾以行兵至漢川縣雞鳴汊水淺船閣
不能行文俊以火筏盡焚其船接待奴佛家奴皆遇
害而報恩奴自死妃妾皆陷寬徹普化走陝西二十
五年侯伯顏荅失奉寬徹普化自雲南經蜀轉戰而
去至成州欲之京師李思齊以取蜀爲名扼不令行
俾屯田于成州以沒其子口和尚者封義王侍從順

帝左右多著勞効帝出入常與俱至正二十四年
羅帖木兒稱兵犯闕遂爲中書右丞相總握國柄恣
爲淫虐和尚心忿其無君數爲帝言之受密旨與儒
士徐士本謀交結勇士上都馬金那海伯顏達兒帖
古思不花火你忽都洪寶寶黃哈刺八禿龍從雲陰
圖刺孛羅帖木兒帝期以事濟放鴿鈴爲號徐士本
掌之明年七月孛羅帖木兒入奏事行至延春閣李
樹下伯顏達兒自衆中奮出斫孛羅帖木兒中其腦
上都馬等競前斫死之詳見孛羅帖木兒傳二十八
年順帝將北奔詔准王帖木兒不花監國而以和尚

佐之及京城將破即先道不知所之

帖木兒不花

帖木兒不花世祖孫鎮南王脫歡第四子也初世祖第九子脫歡以討安南無成功終身不許見遂封鎮南王出鎮揚州脫歡薨子老章襲封鎮南至老章薨弟脫不花襲封鎮南王脫不花薨子孛羅不花幼帖木兒不花乃嗣為鎮南王文宗天曆初賜帖木兒不花黃金五十兩白金五十兩幣三十四二年孛羅不花已長帖木兒不花請以其位復還孛羅不花朝廷以其讓而不居也改封宣讓王賜金印移鎮於廬州

順帝至元元年撥廬州饒州牧地一百頃賜之二年賜市宅錢四千錠命其王府官凡班次列于有司之右五年伯顏擅權矯制貶帖木兒不花及威順王寬徹音化至脫脫為相始言于帝明此兩王者皆無辜詔令復還鎮至正十二年廬州境內賊起淮西廉訪使陳思謙言于帖木兒不花曰王以帝室之胄鎮撫淮甸豈宜坐視且府中官屬及怯薛丹人等數甚多必有可使摧鋒陷陣者惟王圖之帖木兒不花大悟其言曰此吾責也即命以所部兵及諸王乞塔及等分道擊賊擒其渠帥廬州境內皆平帝聞之賜金帶

元史卷四
九
銀鈔以賞其功十六年命帖木兒不花與寬徹普化以兵鎮遏懷慶路賜金銀各一錠幣帛九匹鈔二十錠既而汝穎之寇南渡淮帖木兒不花復以便宜調芍陂屯軍拒之及廬州不守乃挈身北歸留京師二十七年進封淮王賜金印設王傅等官二十八年大明兵逼京師順帝北奔詔以帖木兒不花監國而拜慶童中書左丞相輔之俄而城破帖木兒不花死之年八十三

傳卷第四

列傳卷第五

元史一百一十八

南京國子

監祭酒侯恪

司業謝德浦補修

特薛禪

特薛禪姓字思忽兒弘吉刺氏世居朔漠本名特因從太祖起兵有功賜名薛禪故兼稱曰特薛禪女曰孛兒台太祖光獻翼聖皇后子曰按陳從太祖征伐凡三十二戰平西夏斷潼關道取回紇尋斯于城皆與有功歲丁亥賜號國舅按陳那顏壬辰賜銀印封河西王以統其國族丁酉賜錢二十萬緡有旨弘吉

崇禎三年刊

元史列傳卷五

刺氏生女世以爲后生男世尚公主每歲四時孟月聽讀所賜旨世世不絕又賜所俘獲軍民五千二百仍授萬戶以領之按陳薨葬官人山元貞元年二月追封濟寧王謚忠武妻哈真追封濟寧王妃子幹陳歲戊戌授萬戶尚睿宗女也速不花公主幹陳薨葬不海韓弟納陳歲丁巳襲萬戶奉旨伐宋攻釣魚山又從世祖南涉淮甸下太清口獲舩百餘艘又率兵平山東濟兗單等州及阿里不哥叛中統二年與諸王北伐以其子哈海脫歡幹羅陳等十人自從至于莽來由失木魯與阿里不哥之黨八兒哈八兒思等

戰追北至孛羅克禿復戰自旦及夕斬首萬級僵尸被野薨葬末懷禿幹羅陳襲萬戶尚完澤公主完澤公主薨繼尚囊加真公主至元十四年薨葬拓刺里無子弟曰帖木兒至元十八年襲萬戶二十四年乃顏叛從帝親征以功封濟寧郡王賜白傘蓋以寵之二十五年諸王哈丹禿魯干叛與諸王及統兵官玉速帖木兒等率兵討之由龜刺兒河與哈丹等過轉戰至惱木連河殲其衆帝賜名按察兒禿那顏以旌其功薨葬末懷禿子二人長曰瑯阿不刺次日桑哥不刺皆幼至元二十七年以其弟蠻子台襲萬戶亦

尚囊加真公主成宗卽位封皇姑魯國大長公主以金印封蠻子台爲濟寧王奉旨率本部兵討叛王海都篤哇旣與之遇方約戰行伍未定單騎突入陣中往復數四敵兵大擾一戰遂大捷時武宗在藩邸統大軍以鎮朔方有旨令蠻子台總領蒙古軍民官輔武守莽來以遏北方囊加真公主薨繼尚裕宗女喃哥不刺公主蠻子台薨年五十有二大德十一年三月按答兒長子瑯阿不刺襲萬戶尚祥哥刺吉公主六月封大長公主賜瑯阿不刺金印加封魯王至大二年賜平江稻田一千五百頃皇慶間加封皇姊大

長公主天曆間加號皇姑徽文懿福真壽大長公主至大三年瑯阿不刺薨葬未懷禿阿里嘉室利瑯阿不刺嫡子也至大三年甫八歲襲萬戶四年七月襲封魯王尙朶兒只班公主元統元年阿里嘉室利薨至順間封朶兒只班號肅雍賢寧公主桑哥不刺者魯王瑯阿不刺之弟阿里嘉室利之叔也自幼奉世皇旨養于幹可珍公主所是爲不只兒駙馬後襲統其本部民四百戶成宗時奉旨尚普納公主至順間封鄆安大長公主授桑哥不刺金印封鄆安王職千戶元統元年授萬戶二年三月加封鄆安公主號皇

姑大長公主加封桑哥不刺魯王以疾薨年六十一
此皆以駙馬襲封王爵者也唆兒火都者亦按陳之
子以從征功在太祖朝遙受左丞相爲千戶仍賜以
塗金銀章及金銀字海青圓符五驛馬券六其子曰
阿哈駙馬當憲宗朝嘗率兵破徐州以功受賞黃金
一錠白金十錠及銀鞍勒仍命襲父官至世祖時有
詔弘吉刺萬戶所受驛券圓符皆仍其舊凡唆兒火
都所受者宜皆收之而唆兒火都之諸孫若孛羅沙
伯顏蠻子添壽不花大都不花掌吉等及阿哈千戶
之孫曰也速達兒與按陳之弟各冊者在太祖世授

官本藩蒙古軍站千戶冊之子曰哈兒哈孫以平金
功賜號拔都兒哈兒哈孫之孫曰都羅兒至元四年
授光祿大夫以銀章封懿國公有脫憐者亦按陳之
裔孫也世祖授本藩千戶仍賜驛券圓符各四令以
兵守朔土之怯魯連二十四年從族父按答兒禿征
叛王乃顏有功亦賜號拔都兒脫憐卒子迸不刺嗣
迸不刺卒子買住罕嗣買住罕尚拜答沙公主卒弟
孛羅帖木兒嗣以金章封毓德王孛羅帖木兒薨買
住罕孫阿失襲千戶有名丑漢者按陳次子必哥之
裔孫尚台忽魯都公主仁宗朝封安遠王以兵守莽

來有答兒罕者亦特薛禪之裔孫也以從軍功世祖亦賜以拔都兒之號加賜黃金一錠其子曰不只兒從征乃顏禽其黨金家奴帝賞以金帶其後有曰伯奢者卽其孫也又按陳之孫納合尚太宗唆兒哈罕公主火忽之孫不只兒尚幹可真公主又特薛禪諸孫有名脫羅禾者尚不魯罕公主繼尚闊闊倫公主此皆尚公主爲駙馬者也凡其女之爲后者自光獻英聖皇后以降憲宗貞節皇后諱忽台及后妹也速兒皆按陳從孫仁哥陳之女世祖昭睿順聖皇后諱察必濟寧忠武王按陳之女其諱帖古倫者按陳孫

脫憐之女諱喃必冊繼守正官者納陳孫僊童之女成宗貞慈靜懿皇后諱實憐荅里幹羅陳之女也順宗昭獻元聖皇后諱荅吉大德十一年十一月武宗冊上皇太后至天三年十月加上尊號曰儀天興聖慈仁昭懿壽元皇太后仁宗延祐二年加上尊號曰儀天興聖慈仁昭懿壽元全德泰寧福慶皇太后延祐七年又加徽文宗祐四字尊號太皇太后則按陳孫渾都帖木兒之女武宗宣慈惠聖皇后諱真哥脫憐子迸不刺之女其諱速哥失里者按陳從孫哈兒只之女泰定皇后諱八不罕按陳孫幹雷察兒之女

其諱必罕諱速哥荅里者皆脫憐孫買住罕之女文宗皇后諱不荅失里珙阿不刺魯王之女此則弘吉刺氏之爲后者也初弘吉刺氏族居於苦烈兒溫都兒斤迭烈木兒也里古納河之地歲甲戌太祖在迭蔑可兒時有旨分賜按陳及其弟火忽冊等農土農土猶言經界也若曰是苦烈兒溫都兒斤以與按陳及哈撒兒爲農土申諭按陳曰可木兒溫都兒荅兒腦兒迭蔑可兒等地汝則居之諭冊曰阿刺忽馬乞迤東蒜吉納禿山木兒速拓哈海幹連直至阿只兒哈溫都哈老哥魯等地汝則居之當以胡盧忽兒河北爲鄰

按赤白爲界又諭火忽曰哈老溫迤東塗河潢河之閑火兒赤納慶州之地與亦乞列思爲隣汝則居之又諭按陳之子唆魯火都曰以汝父子能輸忠于國可木兒溫都兒迤東絡馬河至于赤山塗河迤南與國民爲隣汝則居之至至元七年幹羅陳萬戶及其妃囊加真公主請于朝曰本藩所受農土在上都東北三百里荅兒海子寔本藩駐夏之地可建城邑以居帝從之遂名其城爲應昌府二十二年改爲應昌路元貞元年濟寧王蠻子台亦尚囊加真公主復舉公主請於帝以應昌路東七百里駐冬之地朔建城

邑復從之大德元年名其城爲全寧路弘吉刺之分
邑得任其陪臣爲達魯花赤者有濟寧路及濟兗單
三州鉅野鄆城金鄉虞城碭山豐縣肥城任城魚臺
沛縣單父嘉祥磁陽寧陽曲阜泗水一十六縣此丙
申歲之所賜也至元六年陸古濟州爲濟寧府十八
年始陸爲路而濟兗單三州隸焉又汀州路長汀寧
化清流武平上杭連城六縣此至元十三年之所賜
也又有永平路灤州盧龍遷安撫寧昌黎石城樂亭
六縣此至大元年之所賜也若平江稻田一千五百
頃則至大二年所賜也其應昌全寧等路則自達魯

花赤總管以下諸官屬皆得專仕其陪臣而王人不與
焉此外復有王傳府自王傳六人而下其群屬有錢
糧人匠鷹房軍民軍站營田稻田烟粉千戶總管提
舉等官以署計者四十餘以員計者七百餘此可得
而稽攷者也其三戶絲金鈔之數則丙申歲所賜濟
寧路之三萬戶至元十八年所賜汀州路之四萬戶
絲以斤計者歲二千二百有奇鈔以錠計者歲一千
六百有奇此則所謂歲賜者也

孛禿

孛禿亦乞列思氏善騎射太祖嘗潛遣木兒徹丹出

使至也兒古納河孛堯知其爲帝所遣值日暮因留
止宿殺羊以享之木兒徹丹馬疲乏復假以良馬及
還孛堯待之有加木兒徹丹具以白帝帝大喜許妻
以皇妹帖木倫孛堯宗族乃遣也不堅歹等詣太祖
因致言曰臣聞成德所加若雲開見日春風解凍喜
不自勝帝問孛堯孛堯畜幾何也不堅歹對曰有馬三
十疋請以馬之半爲聘禮帝怒曰婚姻而論財殆若
商賈矣昔人有言同心實難朕方欲取天下汝亦乞
列思之民從孛堯効忠於我可也何以財爲竟以皇
妹妻之旣而札赤刺歹札木哈脫也等以兵三萬入

寇孛堯聞之遣波曩歹磨里堯堯來告乃與哈刺里
札刺兀塔兒哈泥等討脫也等掠其輜重降其民乃
變叛帝召孛堯以兵至大戰敗之皇妹復妻以重
女大臣別吉而命哈兒八台之子也可忽林圖帶弓
矢爲之侍哈兒八台曰吾兒豈能爲人臣僕寧死不
爲也帝令孛堯與之敵哈兒八台令月列等拒戰於
橐圖河孛堯直前擒月列刺殺也可忽林圖哈兒八
台走渡橋赤河又擒之盡殺其衆從太師國王木剌
忽略地達東西以功封冠懿二州獲征西夏病薨
其忘宣力佐命功臣太師開府儀同三司駱馬都尉

上柱國進封昌王謚忠武子鎮兒哈襲爵

鎮兒哈事太宗與木華黎取嘉州降其民遣伯克兒

哈拙赤竭來獻捷帝曰若父宣力國家朕昔見之今

鎮兒哈克克前烈賜以金錦金帶七寶鞍召至中都

以疾薨鎮兒哈娶皇子幹赤女安禿公主生女是為

憲宗皇后子札忽兒臣從定宗出討萬奴有功太宗

命親王安赤台以女也孫真公主妻之薨贈推誠遠

宣佐運贊治功臣太師開府儀同三司駙馬都尉上

柱國襲封昌王謚忠靖札忽兒臣有子二人長月列

曰晏皇子賽因主十女哈答罕公主生脫別台與乃

顏戡有功次忽憐

忽憐尚憲宗女伯牙魯罕公主後脫黑帖木兒叛世

祖命忽憐與失列及等討之大戰終日脫黑帖木兒

敗走帝嘉之復令尚憲宗孫女不蘭奚公主宋平封

以廣州乃顏聲刺哈兒叛世祖親征薛徹堅等與哈

刺罕屢戰帝召忽憐至值薛徹堅等戰于程火失温

之地哈答罕眾甚盛忽憐以兵二百迎敵敗之哈答

罕等走度猱河還其巢穴踰年夏帝命忽憐復征之

至曲列兒塔兀兒二河之間大戰其眾皆度塔兀河

遁去余百人逃匿山谷忽憐即率兵二百徒步追之

薛徹堅止之曰彼亡命者安得徒行忽憐不聽往殺其衆薛徹堅以聞賜金一錠銀五錠又踰年復往征之與哈答罕遇于兀刺河忽憐夜率千人潛入其軍盡殺之帝賜鈔五萬貫金一錠銀十錠忽憐薨贈効忠保德輔運佐理功臣太師開府儀同三司駙馬都尉上柱國追封昌王謚忠宣子阿失事成宗篤哇叛于海都帝遣晉王甘麻剌并武宗師討之大德五年戰哈刺答山阿失射篤哇中其膝擒殺甚多篤哇號哭而遁武宗賜之衣成宗加賜珠衣封爲昌王置王府官屬仁宗朝復賜以寧昌縣稅入阿失尚成宗

女亦里哈牙公主復尚憲宗曾孫女買的公主阿失薨子八刺失里襲封昌王忽憐從弟不花尚世祖女兀魯真公主其弟鎖郎哈娶皇子忙哥刺女奴兀倫公主生女是爲武宗仁獻章聖皇后寔生明宗

阿刺兀思剔吉忽里

阿刺兀思剔吉忽里汪古部人系出沙陀廐門之後遠祖卜國世爲部長金源氏墜山爲界以限南北阿刺兀思剔吉忽里以一軍守其衝要時西北有國曰乃蠻其主太陽可汗遣使來約欲相親附以同據朔方部衆有欲從之者阿刺兀思剔吉忽里弗從乃執

其使奉酒六尊具以其謀來告太祖時朔方未有酒
太祖飲三爵而止曰是物少則發性多則亂性使還
酬以馬五百羊一千遂約同攻太陽可汗阿剌兀思
剔吉忽里先期而至既平乃蠻從下中原復為嚮導
南出界垣太祖留阿剌兀思剔吉忽里歸鎮本部為
其部眾昔之異議者所殺長子不顏昔班併死之其
妻阿里黑携幼子字要合與姪鎮國逃難夜遁至界
垣告守者縋城以登因避地雲中太祖既定雲中購
求得之賜與甚厚乃追封阿剌兀思剔吉忽里為高
唐王阿里黑為高唐王妃以其子字要合尚幼先封

其姪鎮國為北平王鎮國薨子聶古台麗爵尚睿宗
女獨木干公主略地江淮薨于軍賜興州民千餘戶
給其葬字要合幼從攻西城還封北平王尚阿剌海
別吉公主公主明睿有智略車駕征伐四出嘗使留
守軍國大政諮稟而後行師出無內顧之憂公主之
力居多字要合未有子公主為進姬妾以廣嗣續生
二子曰君不花曰愛不花曰拙里不花公主視之皆
如已出字要合薨追封高唐王謚武毅後加贈宣忠
協力翊衛果毅功臣太傅儀同三司上柱國駙馬都
尉追封趙王公主阿剌海別吉追封皇祖姑齊國大

長公主加封趙國子君不花尙定宗長女葉里迷失
公主愛不花尙世祖季女月烈公主中統初總兵討
阿里不哥馭闊不花於按檀火爾歡之地三年圍李
壇子濟南獨當一面事平又從征西北敗叛王之黨
微里蠻子孔古烈愛不花卒子闊里吉思

闊里吉思性勇毅習武事尤篤於儒術築萬卷堂於
私第日與諸儒討論經史性理陰陽術數靡不該貫
尚忽答的迷失公主繼尙愛牙失里公主宗王也不
于叛率精騎千餘晝夜兼行旬日追及之時方暑將
戰北風大起左右請待之闊里吉思曰當暑得風天

贊我也策馬赴戰騎士隨之大殺其衆也不于以數
騎遁去闊里吉思身中三矢斷其髮凱還詔賜黃金
三斤白金千五百斤成宗卽位封高唐王西北不安
請於帝願往平之再三請帝乃許及行且誓曰若不
平定西北吾馬首不南大德元年夏遇敵于伯牙思
之地衆謂當俟大軍畢至與戰未晚闊里吉思曰大
丈夫報國而待人耶卽整衆鼓躁以進大敗之擒其
將卒百數以獻詔賜世祖所服貂裘寶鞍及緡錦七
百介冑戈戟弓矢等物二年秋諸王將帥共議防邊
咸曰敵往歲不冬出且可休兵于境闊里吉思曰不

然今秋候騎來者甚少所謂鷲鳥將擊必匿其形備不可緩世衆不以爲然闕里吉思獨嚴兵以待之是冬敵兵果大至三戰三克闕里吉思乘勝逐北深入險地後騎不繼馬躓陷敵遂爲所執敵誘使降惟正言不屈又欲以女妻之闕里吉思毅然曰我帝婿也非帝后面命而再娶可乎敵不敢逼帝嘗遣其家臣阿昔思特使敵境見於人衆中闕里吉思一見輒問兩宮安否次問嗣子何如言未畢左右卽引其去明日遣使者還不復再見竟不屈死焉九年追封高唐忠憲王加贈推忠宣力崇文守正亮節保德功臣太

師開府儀同三司上柱國駙馬都尉追封趙王公主忽答的迷失追封齊國長公主愛牙失里封齊國公主並加封趙國子朮安幼詔以弟朮忽難襲高唐王朮忽難才識英偉謹守成業撫民御衆境內又安痛其兄死節遣使如京師表請卹典又請翰林承旨闡復銘諸石教養朮安過於已子命家臣之謹厚者掌其兄之珍服秘玩待朮安成立悉以付之至大二年朮忽難加封趙王卽以讓朮安三年朮安襲趙王尚晉王女阿刺的納入刺公主一百召王傅脫歡司馬阿昔思謂曰先王旅殯卜羅荒遠之地神靈將何依

吾痛心欲無生若請於上得歸葬先塋瞑目無憾矣
 二人言之知樞密院事也里吉尼以聞帝嗟悼久之
 曰术安孝子也即賜阿昔思黃金一瓶得脫歡之子
 失忽都魯王傅术忽難之子阿魯忽都斷事官也元
 等一十九人乘驛以往復賜從者鈔五百貫淇陽王
 月赤察兒丞相脫禾出八都魯差兵五百人護其行
 王殯所奠告啓視尸體如生遂得歸葬

列傳卷第五 終

列傳卷第六

元史一百一十九

南 京 國 子 監 祭 酒 侯 恪

司 業 謝德浦 補修

木華黎

木華黎札刺兒氏世居阿難水東父孔溫窟哇以戚
 里故在太祖麾下從平蔑里吉征乃蠻部數立功後
 乃蠻又叛太祖與六騎走中道乏食擒水際橐駝殺
 之燔以啖太祖追騎垂及而太祖馬斃五騎相顧駭
 愕孔溫窟哇以所乘馬濟太祖身當追騎死之太祖
 獲免有子五人木華黎其第三子也生時有白氣出

帳中神巫異之曰此非常兒也及長冗殺多智畧猿臂善射挽弓二石強與博爾朮博爾忽赤老溫事太祖俱以忠勇稱號撥里班曲律猶華言四傑也太祖寧嘗失利會大雪失牙帳所在夜臥草澤中木華黎與博爾朮張裘氈立雪中陣蔽太祖達旦竟不移足一日太祖從三十餘騎行谿谷間顧謂曰此中或遇寇當奈何對曰請以身當之旣而寇果自林間笑出矢下如雨木華黎引弓射之三發中三人其酋呼曰爾爲誰曰木華黎也徐解馬鞍持之捍衛太祖以出寇遂引去克烈王可汗與乃蠻部讎戰求援於太祖太

祖遣木華黎及博爾朮等救之盡殺乃蠻之衆於按臺之下獲甲仗馬牛而還旣而王可汗謀襲太祖其下拔台知之密告太祖太祖遣木華黎選精騎夜斫其營王可汗走死諸部大人聞風款附歲丙寅太祖自皇帝位首命木華黎博爾朮爲左右萬戶從容謂曰國內平定汝等之力居多我與汝猶車之有轅身之有臂也汝等切宜體此勿替初心金之降者皆言其主璟殺戮宗親荒淫日恣帝曰朕出師有名矣辛未從伐金薄宣德遂克德興壬申攻雲中九原諸郡拔之進圖撫州金兵號四十萬陣野狐嶺北木華黎

曰彼眾我寡弗致死力戰未易破也率敢死士策馬橫戈大呼陷陣帝麾諸軍並進大敗金兵追至澮河殭尸百里癸酉攻居庸關壁堅不得入遣別將闞別統兵趨紫荆口金左監軍高琪引兵來拒不戰而潰遂拔涿州因分兵攻下益都濱棣諸城遂次霸州史天倪蕭勃迭率眾來降並奏為萬戶甲戌從圍燕金主請和北還命統諸軍征遼東次高州盧琮金朴以城降乙亥裨將蕭也州以計平定東京進攻北京金守將銀青率眾二十萬拒花道逆戰敗之斬首八萬餘級城中食盡契丹軍斬關來降進軍逼之其下殺

推寅蒼虎為帥遷舉城降木華黎怒其降

劫之蕭也先曰是京為遼西重鎮既降而坑之後

有降者乎從之奏寅蒼虎留守北京以吾也而權兵

為都元帥鎮之遣高德王劉蒲速窩兒招諭興中府

同知元里不從殺蒲速窩兒德王走免未幾吏民

殺元里不推主豪石天應為帥舉城降奏為興中尹

兵馬都提控錦州張鯨聚眾十餘萬殺節度使稱臨

海郡王至是來降詔木華黎以鯨總北京十提控兵

從後忽爾南征未附州郡木華黎密察鯨有反側意

請以蕭也先監其軍至平州鯨稱疾逗留復謀遁去

三軍肅也先先送行在誅之鯨弟致憤其兄被誅據
歸州叛畧平康瑞利義懿廣寧等州永華黎率蒙古
不花等軍數萬討之州郡多殺致所署長吏降進逼
靈巖山主將社秀降奏為錦州節度使丙子致陷興
寧府七月進兵臨興中先遣吾也而等攻溜石山論
之曰今若急攻賊必遣兵來援我斷其歸路致可擒
也又遣蒙吉不花屯永德縣東候之致果遣鯨子東
平將騎兵八千步卒三萬援溜石蒙古不花引其趨
之賊報永華黎夜率引兵疾馳遇于神水縣東夾擊
之分麾下兵之手下馬步戰進善射者數千人令曰

步兵無甲疾射之乃摩騎兵齊進大敗之斬東平及
士卒萬二千八百餘級拔開義縣進圍錦州致遣張太
平高益出戰又敗之斬首三千餘級溺死者不可勝數
圍守月餘致憤將校不勦力殺敗將二十餘人高益懼
縛致出降伏誅廣寧劉琰懿州田和尚降永華黎曰
此叛寇存之無以懲後除工匠優伶外悉屠之拔蘇
復海三州斬完顏衆家奴咸平宣撫蒲鮮等率衆十
餘萬遁入海島丁丑八月詔封太師國王都行省承
制行事賜誓券黃金印曰子孫傳國世世不絕分弘
吉剌亦乞烈思兀魯兀忙兀等十軍及吾也而契丹

蕃漢等軍並屬麾下且諭曰太行之北朕自經畧太行以南卿其勉之賜大駕所建九旂大旗仍諭諸將曰木華黎建此旗以出師令如朕親臨也乃建行省于雲燕以圖中原遂自燕南攻遂城及蠡州諸城拔之冬破大名府遂東定益都淄登萊濰密等州戊寅自西京由大和嶺入河東攻太原忻代澤潞汾霍等州悉降之遂徇平陽金守臣棄城遁以前鋒拓拔按察兒統蒙古軍鎮之拒金兵以義州監軍李廷植之弟守忠權河東南路帥府事己卯以蕭特末兒等出雲朔攻降岢嵐火山軍以谷里夾打爲元帥連魚骨花

赤拔石隰州擊絳州克之庚辰復由燕徇趙至武仙舉真定來降權知河北西路兵馬事史天倪進言曰今中原粗定而所過猶縱兵抄掠非王者弔民之意也木華黎曰善下令禁無剽掠所獲老稚悉遣還田里軍中肅然吏民大悅兵至滏陽金邢州節度使武貴迎降進攻天平寨破之遣蒙古不花分兵畧定河北衛懷孟州入濟南嚴實籍所隸相魏磁洛恩博滑濬等州戶三十萬詣軍門降時金兵屯黃陵岡號二十萬遣步兵二萬襲濟南木華黎以輕兵五百擊走之遂會大軍薄黃陵岡金兵陣河南岸示以死戰木華黎曰此不可用

長兵當以短兵取勝令騎下馬引滿齊發亦下馬督戰果大敗之溺死者衆進攻楚丘楚丘城小而固四面皆水令諸軍以草木填塹直抵城下嚴實率所部先登拔之攻下單州圍東平以實權山東西路行省戒之曰東平糧盡必棄城走汝伺其去即入城安輯之勿苦郡縣以敗事也留校魯忽禿以蒙古軍三千屯守之辛巳四月東平糧盡金行省忙古奔汴校魯忽禿邀擊之斬七千餘級忙古引數百騎遁去實入城建行省撫其民先是邵王帶孫攻洛不下至是遣石天應拔之五月還軍野狐嶺宋連水忠義結帙石珪來降以爲濟兗單

三州都總管予綉衣王帶勞之曰汝不憚跋涉數千里慕義而來尋當列奏賜汝高爵爾其勉之京東安撫使張琳皆來降以琳行山東東路益都滄景濱棣等州都元帥府事鄭遵亦以棗鄉蓆縣降陸爲完州以遵爲節度使行元帥府事秋八月從駐青冢監國公主遣使來勞大饗將士由東勝渡河西夏國李三請以兵五萬爲焉冬十月復由雲中歷太和寨入慶州金將三公佐進以石天應權行臺兵爲都元帥進取綏德破馬蹄寨距延安三十里止舍金行省完顏合達出兵三萬障于城東蒙古不夜以騎三千覘之

馳報曰獲見吾兵少有輕敵心明日合戰當佯敗可
以伏兵取勝也從之夜半以大軍衝拔齊進伏於城
東卡五里兩谷間明日蒙古不花進兵望見金兵即
素鼓旗走金兵果追之伏發鼓聲震天地萬矢齊下
金兵大敗斬七千級獲馬八百合達走保延安圍之
旬日不下乃南徇洛川克鄜州北京權帥石天應捨
送金驍將張鐵捨木華黎責其不降厲聲荅曰我受
金朝厚恩二十餘年今事至此有死而已木華黎義
之欲解其縛諸將怒其不屈竟殺之遂降坊州大饗
士卒聞金復取關州以軒成爲經畧使於是復由丹

州渡河圍隰克之留合丑統蒙古軍鎮石隰間以田
雄權元帥府事壬午秋七月令蒙古不花引兵出秦
隴以張聲勢視山川險夷大兵道雲中攻下孟州四
時秦遷其民于州拔晉陽義和寨進克三清巖入霍
邑山堡遷其民於趙城縣薄青龍堡金平陽公胡天
祚拒守裨將蒲察定住監軍王和開壁降遷天祚于
平陽八月有星晝見隱士喬靜真曰今觀天象未可
往進木華黎曰主上命我平定中原今河北雜平而
河南秦晉未下若因天象而不進兵天下何時而定
耶且遣君令得爲忠乎冬十月過晉至絳後榮州胡

魏堡所至望風歸附河中久為金有至是復來歸木
華黎召石天應謂曰蒲為河東要害我擇守者非君
不可乃以天應權河東南北路陝右關西行臺平陽
李守忠太原牧哈刺拔都隰州田雄並受節制命天
應造浮梁以濟歸師乃渡河拔同州下蒲城徑趨長
安金京兆行省完顏合達擁兵二十萬固守不下乃
分麾下兀胡乃太不花兵六千屯守之遣按赤將兵
三千斷潼關遂西擊鳳翔月餘不下謂諸將曰吾奉
命專征不數年取遼西遼東山東河北不勞餘力前
攻天平延安今攻鳳翔皆不下豈吾命將盡耶乃駐

兵渭水南遣蒙古不花南越牛嶺關徇宋鳳州而還
時中條山賊侯益等聚眾十餘萬伺大兵既西謀襲
河中石天應遣別將吳權府引兵五百夜出東門伏
兩谷間戒之曰侯賊過半急擊之我出其前爾攻其
後可克也吳權府醉酒失期天應戰死城陷賊燒燬
廬舍殺掠人民還走中條先鋒元帥按察兒邀擊敗
之斬數萬級侯益復遁去木華黎以天應子轉可襲
領其眾冬未春師還浮梁未成願諸將曰橋未畢工
安可坐待乎復攻下河西堡寨十餘三月渡河還聞
言縣疾篤召其弟帶孫曰我為國家助成大業擐甲

執銳三十四年東征西討無復遺恨茅恨汴京未下
耳汝其勉之薨年五十四厥後太祖親攻鳳翔謂諸
將曰使木華黎在朕不親至此矣至治元年詔封孔
溫宥諱推忠效節保大佐運功臣大師開府儀同三
司上柱國魯國王謚忠宣木華黎體仁開國輔世佐
命功臣大師開府儀同三司上柱國魯國王謚忠武
子字魯嗣
字魯沈毅魁傑寬厚愛人通諸國語善騎射年二十
七入朝行在所時太祖在西域夏國主李王陰結外
援蓄異圖家諱學魯討之甲申秋九月攻銀州克之

斬首數萬級獲生口馬駝牛羊數十萬俘監府塔海
命都元帥蒙古不華將兵守其要害而還乙酉春復
朝行在所同知真定府事武仙叛殺都元帥史天倪
脅居民遁于雙門寨仙弟質於軍中挈家逃歸遣撒
寒追及於紫金關斬之命天倪弟天澤代領帥府事
丙戌夏詔封功臣戶口爲食邑曰十投下李魯居其
首宋將李全陷益都執元帥張琳送楚州秋九月郡
王帶孫率兵圍全于益都冬十二月李魯引兵入齊
先遣李喜孫招諭全全欲降部將田世榮等不從殺
喜孫丁亥春二月全突圍欲走邀擊大敗之斬首七

千餘級自相蹂踐溺死不可勝計夏四月城中食盡全降諸將皆曰全勢窮出降非心服也今若不誅後必爲患李魯曰不然誅一人易耳山東未降者尙多全素得人心殺之不足以立威徒失民望表聞詔李魯便宜處之乃以全爲山東淮南楚州行省鄭衍德田世榮副之郡縣聞風欵附山東悉平時滕州尙爲金守諸將或言炎暑未可進攻李魯曰主上親督大軍平定西域數年未聞當暑不戰我等安敢自逸乎遂促進兵金兵出戰敗之斬三千餘級其餘老幼開門出降以州屬石天祿俾先鋒元帥蕭乃台統蒙古

軍屯濟兗課課不花以兵三千屯維沂莒以備宋千戶按禮統大軍駐河北脩金九月師還至燕獵千昌平民持牛酒以獻卻之及還賜館人銀數百兩聞太祖崩趨赴北庭哀毀溝疾戊子夏五月薨年三十二至治元年詔封純誠開濟保德輔運功臣太師開府儀同三司上柱國魯國王謚忠定子七人長塔思次速渾察次霸都魯次伯亦難次野蔑干次野不干次阿里乞失

塔思一名查剌温幼與常兒異英才大畧綽有祖風木華黎常曰成吾志必此兒也及長每語必先忠孝

曰大丈夫受天子厚恩當效死行陣間以圖報稱安能委靡苟且目前以隳先世勲業哉年十八襲爵遂至雲中庚寅秋九月叛將武仙圍潞州太宗命塔思救之仙聞之退軍十餘里大兵未至塔思率十餘騎覘賊形勢仙恐有伏不敢犯塔思曰日暮矣待明日擊之是夜五鼓金將移刺蒲瓦來襲我師與戰不利退守沁南賊還攻潞州城陷主將任存死之冬十月帝親征遣萬戶因只吉台與塔思復取潞州仙夜遁邀擊之斬首七千餘級以任存姪代領其衆十一月帝攻鳳翔命塔思守潼關以備公兵河中自石天應死

復爲金有辛卯帝親攻拔之金元帥完顏火燎遁塔思追斬之壬辰春睿宗與金兵相拒于汝漢間金步騎二十萬帝命塔思與親王按赤台口溫不花合軍先進渡河以爲聲援至三峯山與睿宗兵合金兵成列將戰會大雪分兵四出塔思冒矢石先挫其鋒諸軍繼進大敗金兵擒移刺蒲瓦完顏合達單騎走鈞州追斬之遂拔鈞州三月帝北還詔塔思與忽都虎統兵畧定河南諸郡皆降惟汴京歸德蔡州未下塔思追使請曰臣之祖父佐興大業累著勲伐臣襲世爵曾無寸效去歲復失利上黨罪當萬死願分攻汴

城一隅以報陛下帝壯其言命卜之不利乃止癸巳秋九月從定宗于潛邸東征擒金咸平宣撫完顏萬奴于遼東萬奴自乙亥歲率衆保東海至是平之甲午秋七月朝行在所時諸王大會帝顧塔思曰先皇帝肇開大業垂四十年今中原西夏高麗回鶻諸國皆已臣附惟東南一隅尚阻聲教朕欲躬行天討卿等以爲何如羣臣未對塔思對曰臣家累世受恩圖報萬一正在今日臣雖駑鈍願伏天威掃清淮浙尙勞大駕親臨不測之地哉帝悅曰塔思雖年少英風美績簡在朕心終能成我家大事矣賜黃金甲玻瓈

帶及良弓二十命與王子曲出總軍南征乙未冬拔棗陽曲出別徇襄鄧塔思引兵攻郢郢瀕漢江城堅兵精且多戰艦塔思命造木筏遣汶上達魯花赤劉拔都兒將死士五百乘筏進擊引騎兵沿岸迎射大破之溺死者過半餘皆走郢壁堅不能下俘生口馬牛數萬而還丙申冬十月復出鄧州遂至蘄黃蘄州遣使獻金帛牛馬犒師請曰宋小國也進貢大朝有年矣惟王以生靈爲念乃捨之遂進拔符鎮六安縣集家寨丁酉秋九月申八柳渡河入汴京守臣劉甫置酒大慶殿塔思曰此故金主所居我人臣也不可

處此遂宴於甫家冬十月復與口溫不花攻光州主將黃舜卿降口溫不花別畧黃州塔思攻大蘇山斬首數千級獲生口牛馬以千數戊戌春正月至安慶府官民皆遁于江東至北峽關宋汪統制率兵三千降遷之尉氏三月朝行在所秋九月帝宴羣臣于行宮塔思大醉帝語侍臣曰塔思神已逝矣其能久乎冬十二月還雲中己亥春三月薨年二十八子碩篤兒幼弟速渾察襲碩篤兒既長詔別賜民三千戶爲食邑得建國王旗幟降五品印一七品印二付其家臣置官屬如列侯故事碩篤兒薨子忽都華襲忽都哥薨子道童襲

速渾察性嚴厲賞罰明信人莫敢犯與兄塔思從太宗攻鳳翔有功將兵抵潼關與金人戰屢捷既滅金皇子闊出攻宋棗陽入郢速渾察皆與焉歲己亥塔思薨速渾察襲爵卽上京之西阿兒查禿置營總中都行省蒙古漢軍凡他行省監鎮事必先白之定其可否而後上聞帝嘗遣使至見其威容廩然侷儻有奇氣所部軍士紀綱整肅還朝以告帝曰真木華黎家兒也他國使有至者每見皆倉皇失次不能措辭

必慰撫良久始得盡其所欲言左右或諫曰諸王百
司既莫敢越而復示之以威使人怖畏盍少加寬恕
以待之速渾察曰爾言誠是也然時有不同寬猛各
有所宜施天下初附民心未安萬一守者自縱事變
忽起悔之晚矣尋薨延祐三年贈宣忠同德翊運功
臣太師開府儀同三司上柱國追封爲東平郡王謚
忠宣子四人曰忽林池襲王爵曰乃燕曰相威曰撒
蠻相威自有傳

乃燕性謙和好學以賢能稱速渾察既薨憲宗擇於
諸子命乃燕襲爵乃燕力辭曰臣有兄忽林池當襲
帝曰朕知之然柔弱不能勝忽林池亦固讓乃燕頓
首涕泣力辭不得命既而曰若然則王爵必不敢受
願代臣兄行軍國之事於是忽林池襲爲國王事無
臣細必與乃燕謀議剖決精當無所擁滯世祖在潛
藩常與論事乃燕敷陳大義又明習典故世祖謂左右
曰乃燕後必可大用因號之曰葬禪猶華言大賢也
乃燕雖居顯要而小心謹畏每誨羣從子弟曰先世
從太祖皇帝出入矢石間被堅執銳斬將搴旗勤勞
四十餘年遂成功名以故一家蒙恩深厚可謂極矣
慎勿驕情以墮先王之名爾曹戒之病卒世祖聞之

爲之悲悼至正八年贈中奉大夫遼陽等處行中書
自叅知政事護軍追封魯郡公子二人曰碩德曰伯
顏察兒碩德通敏有幹才世祖卽位入宿衛典朝儀
後同知通政院事嘗言遼東幹拙吉烈滅二種民數
爲寇宜遣近臣諭之帝方難其人僉曰惟碩德元勲
世胃可使帝深然之以問碩德對曰先臣從太祖皇
帝定天下不辭險艱以立勲業陛下不以臣年少愚
頑願請行帝大喜賜御衣錫燕以行碩德至集諸萬
戶陳兵衝要詰其渠魁誅之脅從者皆降帝大悅
資有差後從征乃死使西域屢建殊勲卒贈

宣惠寧遠功臣謚忠敏加贈資善大夫嶺北等處行
中書省右丞上護軍追封魯郡公

霸突魯從世祖征伐爲先鋒元帥累立戰功世祖在
潛邸從容語霸突魯曰今天下稍定我欲勸主上駐
驛回鶻以休兵息民何如對曰幽燕之地龍蟠虎踞
形勢雄偉南控江淮北連朔漠且天子必居中以受
四方朝覲大王果欲經營天下駐驛之所非燕不可
世祖憮然曰非卿言我幾失之已未秋命霸突魯率
諸軍由蔡伐宋且移檄諭突沿邊諸將遂與世祖兵
合而南五戰皆捷遂渡大海傳于鄂會憲宗崩于蜀

兩相侯謝修
元史卷一百一十五
一五
阿里不哥構亂和林世祖北還畱霸突魯總軍務以待命世祖至開平卽位還定都于燕嘗曰朕居此以臨天下霸突魯之力也師還中統二年卒于軍大德八年追贈推誠宣力翊衛功臣太師開府儀同三司上柱國東平王謚武靖夫人帖木倫昭睿順聖皇后同母兄也子四人長安童次定童次霸都虎台他姬子曰和童襲國王安童別有傳

塔塔兒台孔溫窟哇第三子帶孫郡王之後父曰忙哥從憲宗征伐累立戰功歲己未攻合州會憲宗崩命塔塔兒台護靈駕赴北會阿里不哥叛拘留數日逃歸追騎執以北還將殺之親王阿速台玉龍塔思曰塔塔兒台乃太師國王之裔不可殺也遂獲免至元元年從阿速台來歸世祖嘉之授懷遠大將軍佩金虎符世襲東平達魯花赤命宿衛士四十人給驛送之官所莅官一紀鎮靜不擾鄆人刺之以安卒年四十二子四人只必幼嗜讀書習翰墨至元十四年監東平官少中大夫多善政以清白稱嘗出家藏書二千餘卷置東平廟學使學徒講肄之尋授嘉議大夫江南湖北道提刑按察使改浙西大德四年入覲賜金段十匹明年春卒年五十一子三人皆早喪自

只必除按察使弟秃不申嗣其職秃不申性淳靖喜怒不形知民疾苦而能以善道之旱嘗致禱卽兩歲饑請於朝發廩以賑之睦同僚興學校加太中大夫士民刻石紀其政績云卒年五十一子五人長不老赤次塔實脫因次阿魯灰次完者不花次畱住馬皆以次嗣爲東平達魯花赤

脫脫祖嗣國王速渾察沈深有智畧嘗奉命征討所向克捷父撒蠻幼穎異自襁褓時世祖撫育之若子嘗挾之南征同舟濟大江慮其有失繫之御榻及長常侍左右帝嘗詔之曰男女異路古制也况掖庭乎

禮不可不肅沒其司之旣而近臣孛羅術命遽出失其次撒蠻怒其違禮執而囚之別室帝恠其久不至詢知其故命釋其罪撒蠻因進曰令自陛下出陛下乃自違之何以責臣下乎帝曰卿言誠是也由是有意大任之會以疾卒不米年僅一十有七脫脫幼旣失怙其母孛羅海篤意教之孜孜若恐不及稍長直宿衛世祖復親誨導尤以嗜酒爲戒旣冠儀觀甚偉喜與儒士語每聞一善一言善行若獲拱璧終身識之不忘至元二十四年從征乃顏帝駐驛於山巔旌旗蔽野鼓未作候者報有隙可乘脫脫即擐甲率家

奴數十人疾馳擊之衆皆披靡不敢前帝望見之大
加嗟賞遣使者勞之且召溫遜曰卿勿輕進此寇易擒
也視其力已折馬已中箭矢帝顧謂近臣曰撒蠻不
幸早死脫脫幼朕撫而教之常恐其不立今能如此
撒蠻可謂有子矣遂親解佩刀及所乘馬賜之由是
深加器重得預聞機密之事其後哈丹復爲亂成宗
時在脊邸督師往征之脫脫引衆率先躍馬感之其
衆大潰脫脫馬陷于淖泥中哈丹兵復進挑戰脫脫
弟阿老瓦丁奮戈衝擊遂大敗之成宗即位其寵顧
爲尤篤常侍禁闈出入惟謹退語家人曰我昔親承

先帝訓飭令毋嗜飲今未能絕也豈有爲人知過而
不能改者乎自今以往家人有以酒至吾前者即病
懲之帝聞之喜曰扎剌兒台如脫脫若無幾今能剛
制于酒真可大用矣即拜資德大夫上都留守通政
院使虎賁衛親軍都指揮使政令嚴肅克修其職三
年朝議以江浙行省地大人衆非世臣有重望者不
足以鎮之進拜榮祿大夫江浙等處行中書省平章
政事有旨命中書祖道都門外以餞之始至嚴飭左
右母預公家事且戒其掾屬曰僕從有私囑者慎勿
聽若軍民諸事有關於利害者則言之當言而不言

爾之責也言而不聽我之咎也聞者為之悚慄時朱清張瑄以海運之故致位參知政事恃其勢位多行不法恐事覺以黃金五十兩珠三囊賂脫脫求蔽其罪脫脫大怒繫之有司遣使者以聞帝喜曰脫脫我家老臣之子孫其志固宜與衆人殊賜內府黃金五十兩命回使寵賚之有豪民白晝殺入者脫脫立命有司按法誅之自是豪猾屏息民賴以安帝以浙民相安之久未及召還大德十一年卒年四十四子朵兒只別有傳

博爾朮

博爾朮阿兒剌氏始祖孛端察兒以才武雄朔方父納忽阿兒闡與烈祖神元皇帝接境敦睦隣好博爾朮志意沉雄善戰知兵事太祖於潛邸共履艱危義均同氣征伐四出無往不從時諸部未寧博爾朮每警夜帝寢必安枕寓直於內語及政要或至達旦君臣之契猶魚水也初要兒斤部卒盜牧馬博爾朮與往追之時年十三知衆寡不敵乃出奇從旁夾擊之盜舍所掠去及戰于大赤兀里兩軍相接下令殊死戰跬步勿退博爾朮繫馬於腰蹠而引滿分寸不離故處太祖嘉其勇膽又嘗潰圍於怯列太祖失馬博

爾木擁帝累騎而馳頓止中野會天雨雪失牙帳所
在臥草澤中與木華黎張瑄表以蔽帝通夕植立足
蹟不移及旦雪深數尺遂免於難篋里期之戰亦以
風雪迷陣再入敵中求太祖不見急趨輜重則帝已
還臥憇車中聞博爾木至曰此天贊我也丙寅歲太
祖卽皇帝位君臣之分益密嘗從容謂博爾木及木
華黎曰令國內平定多汝等之力我之與汝猶車之
有轅身之有臂汝等宜體此勿替遂以博爾木及木
華黎爲左右萬戶各以其屬翊衛位在諸將上皇子
察哈反出鎮西域有旨從博爾木受教博爾木教以

人生經涉險阻必獲善地所過無輕舍止太祖謂皇
子曰朕之教汝亦不踰是未幾賜廣平路戶一萬七
千三百有奇爲分地以老病薨太祖痛悼之大德五
年贈推忠協謀佐運功臣大師開府儀同三司追封
廣平王謚武忠子孛藥台襲爵萬戶贈推誠宣力保
順功臣大師開府儀同三司追封廣平王謚忠定孫
玉昔帖木兒

玉昔帖木兒世祖時嘗寵以不名賜號月呂魯那演
猶華言能官也弱冠襲爵統按台部衆器量宏達莫
測其際世祖聞其賢驛召赴闕見其風骨龐厚解御

服銀貂賜之時重大官內膳之選特命領其事待宴
內殿玉昔帖木兒起行酒詔諸王妃皆爲答禮至元
十二年拜御史大夫時江南既定益封功臣後遂賜
全州清湘縣戶爲分地其在中臺務振宏綱弗親細
故興利之臣欲援金舊制併憲司入漕府當政者又
請以郡府之吏互照憲司檢底玉昔帖木兒曰風憲
所以戢奸若是有傷監臨之體其議乃沮遇事廷辯
吐辭鯁直世祖每爲之霽威至元二十四年宗王乃
顏叛東鄙世祖躬行天討命總戎者先之世祖至半
道玉昔帖木兒已退敵僅尸覆野數旬之間三戰三

捷獲乃顏以獻詔選乘輿橐駝百蹄勞之謝曰天威
所臨猶風偃草臣何力之有世祖還留玉昔帖木兒
勦其餘黨乃執其酋金家奴以獻戮其同惡數人於
軍前明年乃顏之遺孽哈丹禿魯干復叛再命出師
兩與之遇皆敗之追及兩河其衆大衄遂遁時已盛
冬聲言俟春方進乃倍道兼行過黑龍江擣其巢穴
殺戮殆盡哈丹禿魯干莫知所終夷其城撫其民而
還詔賜內府七寶冠帶以旌之加大傅開府儀同三
司申命禦邊杭海二十九年加錄軍國重事知樞密
院事宗王帥臣咸稟命焉特賜步輦入內位望之崇

廷臣無出其右三十年成宗以皇孫撫軍北邊玉昔帖木兒輔行請授皇孫以儲闈舊壘詔從之三十一年世祖崩皇孫南還宗室諸王會于上都定策之際玉昔帖木兒起謂晉王甘麻剌曰宮車晏駕已踰三月神器不可久虛宗祧不可乏主疇昔儲闈符璽既有所歸王爲宗盟之長奚俟而不言甘麻剌遽曰皇帝踐祚願北面事之於是宗親大臣合辭勸進玉昔帖木兒復坐曰大事已定吾死且無憾皇孫遂卽位進秩太師賜以尚方玉帶寶服還鎮北邊元貞元年冬議邊事入朝兩宮賜宴如家人禮賜其妻秃忽魯

安服及他珍寶十一月以疾薨大德五年詔贈宣同德張亮功臣依前太師開府儀同三司錄軍國重事御史大夫追封廣平王謚曰貞憲子三人木剌忽仍襲爵爲萬戶次脫憐次脫脫哈爲御史大夫

博爾忽

博爾忽許兀慎氏事太祖爲第一千戶歿於敵子脫歡襲職從憲宗四征不庭有拓地功子失里門鎮徼外從征六詔等城亦歿于兵子月赤察兒性仁厚勤儉事母以孝聞資貌英偉望之如神世祖雅聞其賢且閔其父之死年十六召見帝見其容止端重奏對

詳明喜而謂曰失烈門有子矣卽命領四怯薛太官至元十七年長一怯薛明年詔曰月赤察兒秉心忠實執事敬慎知無不言言無不盡曉暢朝章言輒稱旨不可以其年少而弗陞其官可代線真爲宣徽使二十六年帝討叛者于杭海衆皆陣月赤察兒奏曰丞相安童伯顏御史大夫月呂祿皆已受命征戰三人者臣不可以後之今勅賊逆命敢禦天戈惟陛下憐臣使臣一戰帝曰乃祖博爾忽佐我太祖無征不在無戰不克其功大矣卿以爲安童輩與爾家同功一體各立戰功自耻不遜然視屬秦鞬恭衛朝夕爾

功非小何必身踐行伍手事斬馘乃快爾心耶二十七年桑哥旣立尚書省殺異已者箝天下口以刑爵爲貨旣而紀綱大紊尚書平章政事也速答兒太官屬也潛以其事白月赤察兒請奏劾之桑哥伏誅帝曰月赤察兒口伐大姦發其蒙蔽乃以沒入桑哥黃金四百兩白金三千五百兩及水田水磴別墅賞其清疆桑哥旣敗帝以湖廣行省西連沓洞諸蠻南按交趾島夷延袤數千里其間土沃人稠畬丁溪子善驚好鬪思得賢方伯徃撫安之月赤察兒舉哈刺哈孫答刺孚以爲行省平章政事凡八年或德交孚洽

于海外入爲丞相天下稱賢世以月赤察兒爲知人
二十八年都水使者請鑿渠西導白浮諸水經都城
中東入潞河則江淮之舟旣達廣濟渠可直泊於都
城之滙帝亟欲其成又不欲役其細民敕四怯薛人
及諸府人專其役度真高深畫地分賦之刻日使畢
工月赤察兒率其屬著役者腹操畚鍤卽所賦以倡
趨者雲集依刻而珠成賜名曰通惠河公私便之帝
語近臣曰是渠非月赤察兒身率衆手成不速也成
宗卽制曰日月赤察兒盡其誠力深其謀義抒忠於
國流惠於人可加開府儀同三司太保錄軍國重事

樞密宣徽使大德四年拜太師初金山南北叛王海
都篤娃據之不幸正朔垂五十年時入爲寇嘗命親
王統左右部宗王諸帥屯列大軍備其衝突五年朝
議北帥少怠紀律不嚴命月赤察兒副晉王以督之
是年海都篤娃入寇大軍分爲五隊月赤察兒將其
一鋒旣交頗不利月赤察兒怒被甲持矛身先陷陣
一軍隨之出敵之背五軍合擊大敗之海都篤娃遁
去月赤察兒亦罷兵歸鎮厥後篤娃來請臣附時武
宗亦在軍月赤察兒遣使詣武宗及諸王將帥議曰
篤娃請降爲我大利固當待命於上然往返再閱月

必失事機事機一失爲國大患人民因於轉輸將士疲於計伐無有已時矣篤娃之妻我弟馬兀合刺之妹也寇遣使報之許其臣附衆議皆以爲允旣遣始以事聞帝曰月赤察兒深識機宜旣而馬兀合刺復命由是叛人稍稍來歸十年冬叛王滅里鐵木兒等屯于金山武宗帥師出其不意先踰金山月赤察兒以諸軍繼往壓之以威啖之以利滅里鐵木兒乃降其部人驚潰月赤察兒遣禿滿鐵木兒察忽萬萬人深入其部人亦降察八兒者海都長子也海都死嗣領其衆至是掩取其部人凡兩部十餘萬口至大元年

月赤察兒遣使奏曰諸王禿苦滅本懷携貳而察八兒游兵近境叛黨素無悛心倘合謀致死則垂成之功顧爲國患臣以爲昔者篤姓先衆請和雖死宜遣使安撫其子欵徹使不我異又諸部旣已歸明我之牧地不足宜處諸降人於金山之陽吾軍屯田金山之北軍食旣饒又成重戍就彼有謀吾已擣其腹心矣奏入帝曰是謀甚善卿宜移軍阿荅罕三撒海地月赤察兒旣移軍察八兒禿苦滅果欲奔欵徹不見則去留無所遂相率來降於是北邊始寧帝詔月赤察兒曰卿之先世佐我祖宗常爲大將攻城戰野功

烈甚著卿乃國之元老宣忠底績靖謚中外朕入繼
天統卿之謀猷居多今立和林等處行中書省以卿
爲右丞相依前太師錄軍國重事特封淇陽王佩黃
金印宗藩將領實瞻卿麾進退其益懋乃德悉乃心
力毋替所服四年月赤察兒入朝帝宴于大明殿眷
禮優渥尋以疾薨于第詔贈宣忠安遠佐運弼亮功

臣謚忠武

塔察兒一名倂蓋居官山伯祖父博爾忽從太祖起
朔方直宿衛爲火兒赤火兒赤者佩橐鞬侍左右者
也由是子孫世其職傳爾忽從太祖平諸國宣力爲

多當時與木華黎等俱以功號四傑塔察兒其從孫
也驍勇善戰幼直宿衛太祖平燕睿宗監國聞燕京
賊恣意殘殺直指富庶之家載運其物有司不能禁
乃遣塔察兒耶律楚材窮治其黨誅首惡十有六人
由是巨盜屏迹太宗代金塔察兒從師授行省兵馬
都元帥分宿衛與諸王軍士俾統之下河東諸州郡
濟河破潼關取陝洛辛卯從圍河中府拔之壬辰從
渡白坡時睿宗已自西和州入興元由武關出唐鄧
太宗以睿宗與金兵相持久乃遣使約期會兵合進
卽詔發諸軍至鈞州連日大雪睿宗與金人戰于三

峰山大破之詔搭察兒等進圍汴城金主卽以兄子曹王訛可爲質太宗與睿宗還河北搭察兒復與金兵戰于南薰門癸巳金主遷蔡州搭察兒復帥師圍蔡甲午滅金遂留鎮撫中原分兵屯大河之上以遏宋兵丙申破宋光息諸州事聞于朝以息州軍民一千戶賜之戊戌卒子別里虎解嗣爲火兒赤憲宗卽位歲壬子襲父職總管四萬戶蒙古漢軍攻宋兩淮悉定邊地戊午會師圍宋襄陽逼樊城力戰死之次曰宋都解至元七年賜金虎符襲蒙古軍萬戶八年悉兵再攻襄陽圍樊城戰鄂岳漢陽江陵歸峽諸州皆有功十二年加昭毅大將軍受詔爲隆興出征都二帥與李恒等長驅而宋人莫當其鋒戰勝攻取望風迎降盡平江西十一城又徇嶺南廣東宋亡還師未及論功卒

列傳卷第七

元史一百二十

翰林學士 帝太夫知制誥兼脩國史 臣 宋濂 翰林侍制 奎 郎同知制誥 兼國史院編脩官 臣 孫 等奉

勅

察罕

亦力撒合

立智理威

察罕初名益德唐兀烏密氏父曲也怯律為夏臣其
妾方懷察罕不容於嫡母以配掌牛羣者及里木察
罕稍長其母以告且曰嫡母已有弟矣察罕武勇過
人幼牧羊於野植杖於地脫帽寘杖端跪拜歌舞太
祖出獵見而問之察罕對曰獨行則帽在上而尊二
人行則年長者尊今獨行故致敬於帽且聞有大官

順治十六年刊

元史列傳卷六

一

至先習禮儀耳帝異之乃挈以歸語光獻皇后曰今日出獵得佳兒可善視之命給事內廷及長賜姓蒙古妻以宮人弘吉刺氏嘗行困脫靴藉草而寢鷄鳴其旁心惡之擲靴擊之有蛇自靴中墜歸以其事聞帝曰是禽人所惡者在爾則為喜神宜戒子孫勿殺其類從帝略雲中桑乾金將定薩擁重兵守野狐嶺帝遣察罕覘虛實還言彼馬足輕動不足畏也帝命鼓行而前遂破其軍圍白樓七日拔之以功為御帳前首千戶從帝征西域孛哈里薛迷思干二城回回國主札刺丁拒守鐵門關兵不得進察罕先驅開道

其以餘眾悉降又從攻西夏破肅州師次甘州察罕父曲也怯律居守城中察罕射書招之且求見其弟時弟年十三命登城於高處見之且遣使諭城中使早降其副阿綽等三十六人合謀殺曲也怯律父子并殺後者併力拒守城破帝欲盡坑之察罕言百姓無辜止罪三十六人進攻靈州夏人以十萬眾赴援帝親與戰大敗之還次六盤夏主堅守中興帝遣察罕入城諭以禍福眾方議降會帝崩諸將擒夏主殺之復議屠中興察罕力諫止之馳入安集遣民太宗即位從略河南北還清水荅蘭荅八之地賜馬三

百珠衣	金帶鞍勒皇子闊出忽都秃伐宋命察罕為
片儀文	從親王口温不花南伐歲乙未克棗陽及光
花罕未	幾召口温不花赴行在以全軍付察罕丁酉
養真口	温不花進克光州戊戌授馬步軍都元帥率
討異軍	以殺天長縣及滁壽泗等州定宗即位賜黑
花裏一	鑽刃十命拓江淮地憲宗即位召見累賜金
珠衣一	珠衣一金綺二疋以都元帥兼領尚書省事
歸德河南懷孟曹濮太原三十餘戶為食邑	
華地合一萬四千五百餘頃戶二萬餘米錢	
金四百五十兩	

忠開濟翊運功臣開府儀同三司上柱國追封河南王謚武宣子十人長木花里木花里事憲宗直宿衛從攻釣魚山以功授四斡耳朶怯憐口千戶賜金幣及黃金馬鞍勒世祖卽位賜金五十兩珠二串至元四年攻宋自江陵略地回至安陽灘宋兵振其歸路木花里奮擊敗之都元帥阿木墜馬宋軍追及之木花里挾之上馬鏖戰退宋兵由是得免特賜銀二百五十兩佩金虎符為蒙古軍萬戶復攻襄樊有功卒于軍贈推誠宣力功臣榮祿大夫平章政事柱國追封梁國公謚武毅從孫亦力撒合

亦力撒合祖曲也怯祖太祖時得召見屬皇子察哈
台爲扎魯火赤父阿波古事諸王阿魯忽居西域至
元十年擇貴族子備宿衛召亦力撒合至關下以爲
速古兒赤掌服御事甚見親幸有大政時以訪之稱
之曰秀才而不名嘗奉使河西還奏諸王只必帖木
兒用官太濫帝嘉之擢河東提刑按察使遂平陽路
達魯花赤泰不花召還賜黃金百兩銀五百兩以旌
其直進南臺中丞帝出內中寶刀賜之曰以鎮外臺
時丞相阿合馬之子忽辛爲江浙行省平章政事時
勢貪穢亦力撒合發其姦得贓鈔八十一萬錠奏而

誅之并劾江淮釋教摠攝楊輦真加諸不法事諸道
竦動二十一年改北京宣慰使諸王乃顏鎮遼東亦
力撒合察其有異志必反密請備之二十三年罷宣
慰司立遼陽行省以亦力撒合爲參知政事已而乃
顏果反帝自將征之時諸軍皆會亦力撒合掌運糧
儲軍供無乏東方平帝嘉其先見且餉運有勞加左
丞二十七年命尚諸王筭吉女親爲資裝以送之併
贈玉帶一改四川行省左丞二十九年再賜玉帶一
元貞元年成宗卽位入朝卒弟立智理威
立智理威爲裕宗東宮必闍赤典文書至元十八年

蜀初定帝閱其地又受兵百姓傷殘擇近臣撫安之
以立智理威爲嘉定路達魯花赤時方以闢田均賦
弭盜息訟諸事課守令立智理威奉詔甚謹民安之
使者交薦其能會盜起雲南號數十萬聲言欲寇成
都立智理威馳入告急言辭懇切繼以泣涕大臣疑
其不然帝曰雲南朕所經理未可忽也乃推食以勞
之又語立智理威曰南人生長亂離豈不厭兵畏禍
耶御之乖方保之不以其道故爲亂耳其歸以朕意
告諸將叛則討之服則捨之母多殺以傷生意則人
必定矣立智理威至蜀宣布上旨俄召爲泉府卿後

遷刑部尚書有小吏誣告漕臣劾獻盜倉粟宰相桑
哥方事聚斂衆阿其意鍛煉枉昭立智理威曰刑部
天下持平今輦轂之下漕臣以寃死何以正四方乎
卽以實聞以是忤丞相出爲江東道宣慰使在官務
興學諸生有俊秀者拔而用之爲政嚴明豪民猾吏
縮手不敢犯然亦無所刑戮而治元貞二年遷四川
行省參知政事蜀有婦人殺夫者繫治數十人加以
箠楚卒不得其實立智理威至盡按得之大德三年
以參知政事爲湖南宣慰使繼改荆湖荆湖多弊政
而公田爲甚部內實無田隨民所輸租取之戶無大

小皆出公田租雖水旱不免立智理威問民所不便
凡十數事上於朝而言公田尤切朝議遣使理之會
有詔凡官無公田者始隨俸給之民力少蘇七年再
遷四川行省叅知政事八年進左丞雲南王入朝所
在以驛騎縱獵立智理威曰驛騎所以傳命令事非
有急且不得馳况獵乎王憚爲之止獵蜀人饑親勸
分以賑之所活甚衆有死無葬者則以已錢買地使
葬且脩寬政以撫其民部內以治十年入朝帝以白
金對衣賜之加資德大夫湖廣行省左丞湖廣歲
幣上供以省臣領工作遣使買絲他郡多爲奸利工

官又爲刻剝故匠戶日營造幣益惡立智理威不遣
使令工祀費人有藏絲者擇買之工不告病歲省費
數萬貫他郡推用之皆便至大三年以疾卒於官年
五十七初贈資德大夫陝西行省右丞上護軍寧夏
郡公謚忠惠再贈推誠亮節崇德贊治功臣榮祿大
夫中書平章政事柱國秦國公子二人長買訥翰林
學士承旨次韓嘉訥御史大夫孫達理麻內府宰相
札八兒火者

札八兒火者賽夷人賽夷西域部之族長也因以爲
氏火者其官稱也札八兒長身美髯方瞳廣額雄勇

善騎射初謁太祖于軍中一見異之太祖與克烈汪罕有隙一夕汪罕潛兵來倉卒不爲備衆軍大潰太祖遽引去從行者僅十九人札八兒與馬至班朱尼河餽糧俱盡荒遠無所得食會一野馬北來諸王哈札兒射之殫遂剝革爲釜出火于石汲河水煮而啖之太祖舉手仰天而誓曰使我克定大業當與諸人同甘苦苟渝此言有如河水將士莫不感泣汪罕旣滅西域諸部次第亦平乃遣札八兒使金金不爲禮而歸金人恃居庸之塞冶鐵銅關門布鐵蒺藜百餘里守以精銳札八兒旣還報太祖遂進師距關百里

不能前召札八兒問計對曰從此而北黑樹林中有間道騎行可一人臣向嘗過之若勒兵銜枚以出終夕可至太祖乃令札八兒輕騎前導日暮入谷黎明諸軍已在平地疾趨南口金鼓之聲若自天下金人猶睡未知也比驚起已莫能支吾鋒鏑所及流血被野關旣破中都大震已而金人遷汴太祖覽中都山川形勢顧謂左右近臣曰朕之所以至此者札八兒之功爲多又謂札八兒曰汝引弓射之隨箭所落悉畀汝爲已地乘輿北歸留札八兒與諸將守中都授黃河以北鐵門以南天下都達魯花赤賜養老一百

戶并四王府為居第札八兒每戰被重甲舞掣陷陣
馳突如飛嘗乘橐駝以戰衆莫能當有丘真人者有
道之士也隱居崑崙山中太祖聞其名命札八兒往
聘之丘語札八兒曰我嘗識公札八兒曰我亦嘗見
真人他日偶坐問札八兒曰公欲極一身貴顯乎欲
子孫蕃衍乎札八兒曰百歲之後富貴何在子孫無
心以承宗祀足矣丘曰聞命矣後果如所願云卒年
一百一十八贈推忠佐命功臣太傅開府儀同三司
上柱國追封涼國公謚武定二年阿里罕明里察阿
里罕蚤從札八兒出入行陣以善謀憲宗伐西為

天下質子兵馬都元帥生哈只終湖南宣慰使贈
誠保德功臣金紫光祿大夫司徒追封涼國公謚
惠生陝西行省平章政事養安太府監丞阿思蘭太
僕寺丞補字養安生阿葩實太僕寺卿明里察贈開
府儀同三司上柱國追封涼國公謚康懿生戶部尚
書亦不刺金陝西行省參知政事哈刺

木赤台

木赤台兀魯兀台氏其先刺真八都人材武雄諸部
生子曰兀魯兀台曰忙兀與扎刺兒弘吉刺亦乞列
思等五人當開創之先協贊大業厥後太祖即位命

其子孫各因其名爲氏號五投下朔方既定舉六十
五人爲千夫長兀魯兀台之孫曰木赤台其一也木
赤台有膽略善騎射勇冠一時初怯列王可汗之子
鮮昆有智勇諸部畏之怯列亦哈刺哈真沙陀等帥
衆來侵兵戰不利近臣忽因答兒等馳告太祖曰事
急矣群下忠勇無踰木赤台者宜急遣之拒敵從之
木赤台承命單騎陷陣射殺鮮昆降其大將失列門
等遂併有怯列之地乃蠻滅兒乞台合兵來侵諸部
有陰附之者不虞太祖領兵卒至諸部潰去乘勝敗
之木赤台俘其主扎哈堅普及二女以歸諸部悉平

與孔哈堅普盟而歸之未幾乃蠻復叛木赤台以計
襲扎哈堅普殺之遂平其國木赤台始從征怯列亦
白罕哈啓行歷班真海子間關萬里每遇戰陣必爲
先鋒帝嘗諭之曰朕之望汝如高山前日影也賜嬪
御木八哈別吉引者思百俾統兀魯兀四千人世世
無替子怯台材武過人自太宗及世祖歷事四朝以
勞封德清郡三賜金印丙申賜德州戶二萬爲食邑
至元十八年增食邑二萬一千戶肇慶路連州德州
洎屬邑俱隸焉怯台薨子端真拔都兒襲爵爲郡王
太宗時與亦刺哈台戰勝帝卽以亦刺哈妻賜之世

祖之征阿里不哥也怯台子哈答與忽都忽跪而自獻于前曰臣父祖幸在先朝當軍旅征代之寄屢立戰功今王師北征臣等幸少壯願如父祖以力戰自効既得請於是戰于石木溫都之地諸王哈丹駙馬臘真與兀魯忙兀居右諸王塔察兒及太丑台居左合必赤將中軍兵始交獲其將合丹斬之外刺之軍遂敗兀又戰于失烈延塔兀之地當帝前混戰至日晡勝之帝賜以黃金將佐吏卒行賞各有差李壇叛帝遣哈必赤及兀里羊哈台闊闊出往討之哈答與兀魯納兒台亦在行壇平與有功焉哈答子脫歡亦嘗

從言王徹徹都討只鬼火台獲之又嘗破失烈吉不忽兒于野孫漠連及征乃顏脫歡弟慶童亦在軍雖病猶力戰怯台二子曰端真曰哈答哈答三子曰脫歡曰亦隣只班曰慶童脫歡二子曰塔失帖木兒曰朶來塔失帖木兒一子曰匣刺不花自怯台而下凡九人皆封郡王云

鎮海

鎮海怯烈台氏初以軍伍長從太祖同飲班朱尼河水與諸王百官大會兀難河上太祖尊號曰成吉思皇帝歲庚午從太祖征乃蠻有功賜良馬一壬申從

攻曲出諸國賜珍珠旗佩金虎符爲闔里必從攻塔
塔兒欽察唐兀只溫契丹女直河西諸國所俘生口
萬計悉以上獻賜御用服器白金等物命屯田於阿
魯歡立鎮海城戍守之壬申從太祖謀定漢地師次
降典與金將忽察虎戰矢中臆間畏瘡而出者復數
四軍聲爲之大振旣破燕太祖命於城中環射四箭
凡箭所至園池邸舍之處悉以賜之尋拜中書右丞
相己丑太宗卽位扈從至西京攻河中河南均州癸
巳攻蔡州以功賜恩州一千戶先是收天下童男童
女及工匠置局弘州旣而得四城織金綺紋工三百
餘戶及汴京織毛褐工三百戶皆分隸弘州命鎮海
世掌焉定宗卽位以鎮海爲先朝舊臣仍拜中書右
丞相薨年八十四子十人勃古思繼食其封邑從世
祖征花馬大理率兵千人結浮橋于金沙江以濟師
中統初論功授益州等路宣撫使賜金虎符玉帶三
年改東平路副達魯花赤討平叛寇尋遷濟南等路
宣慰至元二年遷南京路達魯花赤四年討平蘄縣
叛民以病乞謝事特授保定路達魯花赤賜錢一萬
貫歸老于家卒年八十一

肖乃台

肖乃台禿伯怯烈氏以忠勇侍太祖時木華黎博兒
木旣立爲左右萬戶帝從容謂肖乃台曰汝願屬誰
麾下爲我宣力對曰願屬木華黎卽日命佩金符領
蒙古軍從太師國上爲先鋒兵至河北史天澤之父
率老幼數千詣軍門降國王承制授天澤兄天倪河
北西路都元帥領真定乙酉天澤送母還白霄副帥
武僊殺天倪以真定叛經歷王縉追天澤至燕請攝
主帥遣監軍李伯祐詣國王軍前言狀且請援兵國
王命肖乃台率精甲三千與天澤合兵進圍中山僊
遣其將葛鐵槍來援肖乃台撤圍迎之遇諸新樂奮

擊敗之會日暮阻水爲營肖乃台料其氣索必宵遁
乘勝復進擊大敗之擒鐵槍中山守將亦宵遁遂克
中山取無極拔趙州僊棄真定奔西山抱犢寨肖乃
台與天澤入城撫定其民未幾僊潛結水軍爲內應
夜開南門納僊復據其城肖乃台倉卒以步兵七十
踰城奔藁城遲明部曲稍來集兵威復振襲取真定
僊棄城遁將士怒民之反覆驅萬人出將屠之肖乃
台曰金氏慕國威信僊我來蘇此民爲賊所驅脇有
何罪焉若不勝一朝之忿非惟自屈其力且堅他城
不降之心乃皆釋之初遷之叛也其弟質國王軍中

聞之遁去肖乃台遣弟撤寒追及於紫荆關斬之俘其妻子而還乃整兵前進下太原略太行拔長勝寨斬僊守將盧治中圍僊於雙門寨僊遁去引兵出太行山東遇宋將彭義斌與戰敗之追至火炎山破其營擒義斌斬之至大明守將蘇元帥以城降遂引兵臨東平敗安撫王立剛于陽穀圍東平立剛走連水金守將棄城遁他將邀擊敗之遂定東平又與蒙古不花狗河北懷孟衛從國王定益都壬辰度河略汴京狗睢州遇金將完顏慶山奴與戰敗之追斬慶山奴金主入蔡諸軍圍之肖乃台史天澤攻城北而次水阻其前結筏潛渡血戰連日金亡朝廷以肖乃台功多命併將史氏三萬戶軍以置南征賜東平戶三百俾食其賦命嚴實爲治第宅分撥牧馬草地日膳供二羊及衣糧等以老病卒于東平歸葬漠北子七人抹兀荅兒兀魯台知名

抹兀荅兒歲戊戌從國王忽林赤行省于襄陽略地兩淮己未從渡江攻鄂州以功賞銀五十兩中統元年追阿蘭荅兒渾都海預有戰功二年從北征敗阿望不哥於失木禿之地三年又與李璫戰有功國王忽林赤上其功奉旨賞銀五十兩授提舉本投下諸

色匠戶達魯花赤卒子四人火你赤江南行臺御史大夫

兀魯台中統三年從石高山奉旨拘集探馬赤軍授本軍千戶至元八年授武略將軍佩銀符十年攻樊城有功換金符武德將軍十一年渡江有功賞銀三百兩改武節將軍十二年四月軍至建安卒于軍子脫落合察兒襲職從參政阿剌罕攻獨松關有功陞宣武將軍尋命管領侍衛軍樞密院錄其渡江以來累次戰功十八年陞懷遠大將軍二十年江西行省命討武寧叛賊董琦平之改授虎符江州萬戶府達

魯花赤二十四年移鎮潮州值賊張文惠羅半天等嘯聚江西行樞密院檄討之領兵破賊寨斬賊首羅大老李尊長等獲其偽銀印三卒于軍

吾也而

吾也而珊竹氏狀貌甚偉腰大十圍父曰圖魯華察以武勇稱太祖五年吾也而與折不那演克金東京有功九年從太師木華黎取北京領兵爲先驅下之捷聞授金紫光祿大夫北京總管都元帥畱撫其人綏懷有方自京以南相繼來降時金將撻魯以惠州漁河口爲隘有衆數萬圖復北疆吾也而以銳兵千

人擊摧其鋒殺數千人獲其旗鼓羊馬斬捷魯於軍
中有趙守王者據興州吾也而討平之十一年張致
以錦州叛又攻破之木華黎大喜以馬十匹甲五事
賞其功十二年興州監軍重兒以兵叛吾也而往征
之賊軍射殺所乘馬軍士憤怒奮戈衝擊大破賊軍
十五年從征山東大戰東平馳赴陷陣生挾二將以
還木華黎壯之以功上聞十六年從征延安矢中右
股力戰破之俄又取葭鄜二州擒金臬將金鐵槍以
獻十七年克鳳翔及所屬州郡十八年從帝親征河
西明年下之詔賜吾也而馬五匹甲一事二十年從

木華黎圍益都越二年下三十餘城太宗元年入覲
命與撒里荅火兒赤征遼東下之三年又與撒里荅
征高麗下受開龍宣泰葭等十餘城高麗懼請和吾
也而諭之曰若能以子爲質當休兵十三年遣其子
綽從吾也而來朝帝大悅厚加賜予俾充北京東京
廣寧蓋州平州秦州開元府七路征行兵馬都元帥
佩虎符憲宗元年召問東夷事對曰臣雖老倘藉威
靈指麾三軍敵國猶可克况東夷小醜乎帝壯其言
問飲酒幾何對曰唯所賜時有一附馬都尉在側素
以酒稱命與之角飲帝大咲賜錦衣名馬俄謝病歸

七年復來朝帝憫其老謂曰自太祖時効勞至今者
獨卿無愆賜賚甚厚以都元帥授其中子阿海八年
秋九月辛亥夜中星隕帳前光數丈有聲吾也而曰
吾死矣明日卒年九十六子四人霄禮最有名太宗
時授北京等路達魯花赤至元七年改授招勇大將
軍河間路總管

曷思麥里

曷思麥里西城谷則斡兒朶人初爲西遼關兒罕近
侍稜爲谷則斡兒朶所屬可散八思哈長官太祖西
征曷思麥里率可散等城酋長迎降大將哲伯以問

帝命曷思麥里從哲伯爲先鋒攻乃蠻克之斬其主
曲出律哲伯令曷思麥里持曲出律首往徇其地若
可失哈兒押兒牽斡端諸城皆望風降附又從征你
沙不兒城諭下之帝親征至薛迷思干與其主扎刺
丁合戰于月亦心揭赤之地敗之追襲扎刺丁等於
阿刺黑城戰于禿馬溫山又敗之追至憇顏城西寨
又敗之扎刺丁逃入于海曷思麥里收其珍寶以還
取玉兒谷德痕兩城繼而憇顏城亦下帝遣使趣苦
伯疾馳以討欽察命曷思麥里招諭曲兒忒失兒灣
沙等城悉降至谷兒只部及阿速部以兵拒敵皆戰

敗而降突招降黑林城進擊幹羅思於鐵兒山克之
獲其國主密只思臘哲伯命曷思麥里獻諸朮赤太
子誅之尋征康里至孛子八里城與其主霍脫恩罕
戰又收其軍進至欽察亦平之軍還哲伯卒會帝親
征河西曷思麥里持所獲珍寶及七寶繖迎見于出
刺思不刺思帝顧羣臣曰哲伯常稱曷思麥里之功
其軀幹雖小而聲聞甚大就以所進金寶命隨其力
所勝悉賜之仍命與薛徹兀兒爲必闌赤水幾曷思
麥里奏向者嘗招安到士卒畱亦八里城宜令扈從
征河西許之命常居左右至也告里海牙又討平失

的兒威從太祖征汴至懷孟令領奧魯事帝由白坡
渡黃河會睿宗兵攻金將合達敗之回駐金蓮川壬
辰授懷孟州達魯花赤佩金符癸巳金將強元帥圍
懷州曷思麥里率其衆及昔里吉思鎖刺海等力戰
金兵退又遣蒲察寒奴乞失烈札魯招諭金總帥范
真率其麾下軍民萬餘人來降己亥六月帝以曷思
麥里從軍西域宣力居多命其長子捏只必襲爲懷
孟達魯花赤次子密里吉襲爲必闌赤令曷思麥里
爲札魯火赤歸西域大帥察罕行省帖木迭兒奏畱
之帝允其請庚子進懷孟河南二十八處都達魯花

赤所隸州郡不從命者制令籍其家乙卯五月卒子
 密里吉復為懷孟達魯花赤中統三年從攻淮西與
 宋戰死

其子密里吉復為懷孟達魯花赤中統三年從攻淮西與
 宋戰死

其子密里吉復為懷孟達魯花赤中統三年從攻淮西與
 宋戰死



